

ኢብራዌ አሳው ፃፊቴዳ ኪታ ጌሉዋ

ሃዌ ጳውሎስኔ ጳጳርሲ ፃፊዳዋዳን ኪታ ጊዳናን ቲሚርቲ ጊዲዳ ፃፊቴዳዋ፡ ዋልቃማ ቱጋይ ጋኪና፡ አማኑዋ አጋናው ማቴዳ አማኒያ አሳቱዋሳ (10:32-39)። ሃ ማፃፋ ፃፊዳዋ ኦኔንቶ ኤሪቴና። ሃ ፃፊያ ሁጴ ቆፋይ ኮይርቲዳ ኦንቱንቱን ዳዲያ ሰቁዋኮ ሰማናዳን ዩሱሳ ቶቃቴላ ቤሲዳ ኦንቱንታ ዞሬ። ሄ ፃፊ ኢብራዌ አማኒያዋንቱሲ ሚኒሲ ኦዲያዋ ዩሱሲ ኪሪሰቶሲ ቱማኔ ያሳ ፖሎ ቆንጨዳ ጊዲያዋና። ሃ አማኒያዋንቱ ባሬንቱ አማኑዋን ሚናና ማላ፡ ኦንቱንታ ማንጴጴ። ኢ ሄዋ ኦሴዳ ሄዙ ቱማቱዋ ቆንጨሲዳ ቤሲ።

1. ኢ አኬዳ ሜቱዋ ባጋና ባሬ አወዋሲ ቱሙ አዛዜቴዳ ዩሱሲ ያሳው ሜዲና ናዳ። ኢ ያሳ ናዳ ጊዳዳ ዲራው፡ ኤጫ ቃላ ጫቁዋ ዋዲያን ቲምቢቲያ ኦዲያዋንቱ፤ ኪታንቻቱዋ፤ ሃራይ ኣቲን፡ ሙሴ፤ ሎይሲ አዲያዋ።
2. ዩሱሲ ኤጫ ቃላ ጫቁዋ ቄሳቱዋ፤ ሎይሲ አዲያ፡ ሜዲና ቄሳ ጊዲያዋ ያሳይ ባሬ ሁጴው ኦዳዳ።
3. ዩሱሳ ባጋና አማኒያዋ ናጋራ፤ ያሻቴላ፤ ሃይቁዋ፤ ኣቲ። ዩሱሲ ቄሳቱዋ ኡባቱዋ ካፑዋ ጊዲያ ዲራው፡ ካሴ ኢብራዋቱዋ አማኑዋ ዋጋቱዋን ሜሄቱዋ ያርሹዋን ኩዋዳን ቤቲያ አቶቴላ ሃዲ ቱማ ጊዳናዳን ኡዳዳ።

ፃፊ ኢብራዌሊያ አሳ ታሪኪያን ዳር ኤሪቴዳ አሳ አማኑዋ ሎሚሱዋዳን ጎዔቲዳ (ሺምፑዋ 11)፤ ሃ ማፃፋ ናባቢያ አሳቱ ባሬንቱ አማኑዋን ሚናናዳን ቆፊሴ። ሄዋዳንካ (ሺምፑዋ 12) ናባቢያዋንቱ ባሬንቱ አይፊያ ዩሱሳ ቦላን ቲሺ ኡዲ ዋሲዳ፡ ባሬንቱ አማኑዋን ሚናናዳንኔ አይ ማላ ሜቲኔ ዋዪ ጋኮ፤ ኦንቱንቱ ጌንጫናዳን ዞሬ። ወርሴላን ቃሲ ዞሪያኔ ኣኬኪሱዋ ቃላ ኢሚያዋን ወርሴ።

ሺምፓቱዋ ኡባቱዋሲ አሜቴዳ ቃንሳ ቆፋቱዋ

- ጌሉዋ፡ ያሳይ ዩሱሳን ቆንጨዳዋ (1:1-3)
- ኪሪሰቶሲ ኪታንቻቱዋ፤ ቦላ ጊዲያዋ (1:4-2:18)
- ኪሪሰቶሲ ሙሴ፤ ኢያሱ፤ ቦላ ጊዲያዋ (3:1-4:13)
- ኪሪሰቶሳ ቄሳቴላ ቶቃቴላ (4:14-7:28)
- ኪሪሰቶሳ ቃላ ጫቁዋ ቶቃቴላ (8:1-9:23)

ኪሪስቶስ ያርሼቴዳዌ ኦዋፔኔ ዳሪያዋ (9:23-10:39)
አማኑዋ ዳርቴላ (11:1-12:29)
ጾሳ ናሼቹሳ (13:1-19)

ጾሳይ ባሬ ናዓ ባጋና ሃሳዬዳ

1 ጾሳይ ቤኒ ዋዴ፥ ኑ አዎቱ ናባቱዋ ባጋና ዲማ ዲማ ኦጊያኒኔ ዳሮ ዋዲያን ሃሳዬዳ።

2 ሺን ሃ ዉርሴላ ዋዲያን፥ ኡባባ ኦ ላቲሲዴ፥ ዬሌታ ኦ ባጋና ሜዲዳ ባሬ ናዓ ባጋና ኑሲ ሃሳዬዳ።

3 ናዓይ ጾሳ ቦንቾ ፖዑዋ ጸሌ፤ ቃሲ ኩሜንላ ጾሳ ኤሻ ኦኪዴ፥ ባሬ ዋልቃማ ቃላን ሃ ሳዓ ናጌ፤ ያቲዴ ኦሳ ናጋራፔ ጌሺዴ፥ ኡባፔ ቦላ ጾሳፔ ኡሼቻ ባጋና * ሳሉዋን ኡቴዳ።

ጾሳ ናዓይ ኪታንቻቱዋፔ ቦላ

4 ጾሳይ ኦው ኢሜዳ ሱንሳቴላይ ኪታንቻቱዋፔ ዶቃ ጊዲያዋዳንካ፥ ኡንቱንቱፔ ኦ ሎይሲ ዶቁ ኦሴዳ።

5 ኦዲሲ ሳፔ፥ ጾሳይ ባሬ ኪታንቻቱዋፔ ኦና፥

«ኔኒ ታ ናዓ፤

ታኒ ሃቹ ኔው ኦዉዋ ጊዳዲ»

ጌዴ? ዋይ ቃሲ ኦና፥

«ታኒ ኦው ኦዉዋ ጊዳና፤

ኢካ ታው ናዓ ጊዳና»

ጌዴ?

6 ቃሲ ጾሳይ ባሬ ባይራ ናዓ ሃ ሳዓ ዬዳና ሃኒዴ፥

«ታ ኪታንቻቱዋ ኡባቱካ ኦው ሳዲኒና»

ያጌዳ።

7 ጾሳይ ኪታንቻቱዋባ ሃሳዬዴ፥

«ታኒ ታ ኪታንቻቱዋ ጫርኩዋ ኬሳይ፤

ቃሲ ታ ኦሳንቻቱዋካ ታማ ላጩዋ ኬሳይ»

ያጌ።

8 ሺን ባሬ ናዓዋ ሃሳዬዴ፥

«ጾሳው፥ ኔ ካዉቴላ ኦይዲ

ሜዲ ሜዲናው ደዔ።

ኔ ካዉቴላ ዲሎቴላን ኦሃሳ።

* 1:3 ኡሼቻ ባጋና፥ ቦንቹዋኔ ዋልቃሳ ጊዲያዋ ቤሲ። 1:5 ማዝ 2:7፤ 2ሳዎ 7:14፤ 1ኦድ 17:13 1:6 ዛር 32:43 1:7 ማዝ 104:4 1:8 ማዝ 45:6-7

9 ኔኒ ዲሎቴላ ሲቃዴ፤
 ናቁዋ ኢፃዳ።
 ያሳይ፥ ኔ ያሳይ ኔና
 ኔ ለጌቱዋፔ ኣሲዴ፥
 ናሼቻን ኢሊሊሲያ ዛይቲያ ኦኩዳዌ ሃዋሳ»

ያጌ።
 10 ያሳይ ሃዋዳን ያጌ፤
 «ጎዳው፥ ኮይሮ ኔኒ ሳዓ ሜቆዳ፤
 ሳሎዋካ ኔ ኩሺያን ሜቆዳ።

11 ሃዋንቱ ኡባይ ቆያና፤
 ሺን ኔኒ ዴዓና።
 ኡንቱንቱ ኡባይካ ኣፊላዳን ዉራና።

12 ኔኒ ኡንቱንታ ጋቢያዳን ዳኮያና፤
 ቃሲ ኡንቱንቱ ኣፊላዳን ለሜታናዋንታ።
 ሺን ኔኒ ኔናካ፤
 ኔ ለይላይ ኡባካ ዉራና»

ያጌ።
 13 ሺን ያሳይ ባሬ ኪታንቻቱዋፔ ኢቱዋኔ፥
 «ታኒ ኔ ሞርኩቱዋ ኔኒ
 ጌዲያን ዩጲያዋ ኦላና ጋካናው፥
 ሃዋን ታፔ ኡሼቻ ባጋን ኡታ»

ጊቤና።
 14 ኪታንቻቱ ኡባይ ያሳው ኦላናዉኔ ኣቶቴላ ዴማና ኣሳቱዋ
 ማዳናው ያሳይ ከቴዳ ኣያናቱዋ ጊዲኪኖዬ?

2

ዋልቃማ ኣንጂዋ

1 ሃዋ ዲራው፥ ኦኒ ሲሴዳ ቱሙ ዩዉዋፔ ሱጌቲ ዋራ ቤና
 ማለ፥ ሄ ዩዉዋ ሎይሴ ኦይቃናው ቤሴ።

2 ኣዪሲ ጎፔ፥ ኪታንቻቱ ኦዴዳ ቃላይ ቱማ ጊዲያ ዲራው፥
 ናቁያ ዋይ ኣዛዜቴና ኣሳይ ኡባይ ሙሪቴዳዋ ጊደፔ፥

3 ያቲና፥ ኦኒ ሃ ዋልቃማ ኣቶቴላ ሼኔኮ ጎፔ፥ ዋኒዴ ኣታኔ?
 ጎዳይ ኮይሮ ባሬ ሁጹው ሃ ኣቶቴላ ኦዴዳ፤ ቃሲ ኢ ኦዴዳዋ
 ሲሴዳዋንቱ ኦሲ ጌሺዴ ኦዴዲኖ።

1:10 ማዝ 102:25-27 1:13 ማዝ 110:1

4 ሄ ሲሴዳዎንቱ ማርካቴዳዌ ቦላ ያሳይካ ማላ፣ ኦራላባኔ ዲማ ዲማ ማላታ ከቴቲያዎን ጉጂ ማርካቴዳ፤ ቃሲ ጌሻ ኢያና ኢሙዋካ ባሬ ኮዬዳዎዳን፣ ጊሺ ጋሌዳ።

አቶቴላው ካሌሊያዎ

5 አዪሲ ጎፔ፣ ያሳይ ኑኒ ሃሳዪያ ሲንሳፔ ያና አላሚያ፣ ኪታንቻቱዋ ዋዲሲቤና።

6 ሺን ያሳ ማፃፋይ ኢቲ ሳን ሃዋዳን ያጌ፤ «ያሳው፣ ኑኒ አሳዋ ቆፓናው አሳይ አዬ? ዋይ ኑኒ አው ሂርጋናው ኢ አዬ?»

7 ኑኒ ኪታንቻቱዋፔ አማሬዳ ዋዲያ አ ጉላዳ።

አ ሁጲያንካ ቦንቹዋኔ ሳባ አኪሊሊያ ዋላዳ።

8 ቃሲ ኡባባ አ ጌዲያፔ ጋርሳና ዋላዳ ዋዲሳዳ»

ያጌ። አዪሲ ጎፔ፣ ያሳይ ኡባባካ አ ዋዲሴዳዎዳን አኒ ዋዴቲቤናዌ አያይኔ ባዋ፤ ሺን ሃዲ ኡባባይ አው ዋዴቲያዌ ኑሲ ቤቴና።

9 ሺን ኑኒ ዬሱሳ ቤዔቶ፤ ዬሱሲ ያሳ አጾ ከካቴላ ባጋና አሳ ኡባው ሃይቃና ማላ፣ አማሬዳ ዋዲያ ኪታንቻቱዋፔ ጋርሳ ጊዳዳ። ቃሲ ሃይቁዋ ዋዪያ ኢ ዋይቴዳ ዲራው፣ ፖዲያ ቦንቹዋኔ ሳባ አኪሊሊያ ዋሌዳዋ ሃዲ ኑኒ ቤዔቶ።

10 ያሳይ ኡባባ ሚጴዳዌ፣ ኡባባካ ናጊያዌ፣ ዬሱሲ ዳሮ ናና አሂዳ፣ ባሬናና ቦንቹሳና ማላ፣ ዋዪያ ባጋና ዬሱሳ ባሳይ ባይናዋ ኦሌዳዋ ቤሴ፤ አዪሲ ጎፔ፣ ሄ ናና አቶቴላው ካሌሊያዌ ዬሱሳ።

11 አዪሲ ጎፔ፣ አሳ ጌሺያ ዬሱሳወካ ቃሲ ሄ ጌዬዳ አሳ ኡባወካ አዉ አቱዋ። ዬሱሲ ኡንቱንታ፣ «ታ ኢሻቱዋ» ጊዳ ዬላቴናን ጃሲያዌ ሃዋሳ።

12 ዬሱሲ፣ «ታኒ ኔ ሱንላ ታ ኢሻቶ አዋጅና። ማባራ ሸቁዋንካ ኔና ጋላታና»

ያጌ። 13 ቃሲ ኢ፣ «ታኒ ታ አማኑዋ ያሳን ዋላና» ቃሲካ፣ «ያሳይ ታው ኢሜዳ ናናቱዋና ታኒ ሃዋን ዳዓይ» ያጌ።

14 ናና ጊዴ ኢ ያሲያዋንቱ፤ አሹዋፔኔ ሱፋፔ ማዴቲዳ አሳቱዋ ጊዴያ ዲራው፤ ዩሱሲ ባሬ ሁጴው ኡንቱንታ ማላቲዳ፤ ኡንቱንቱ ማዴታ አኩዳ፤ ቃሲ ኢ ሄዋ ኦፊዳዌ፤ ፃላሂያ ካፑዋ ሃይቁዋ ቦላ ማታይ ዴዲያዋ ባሬ ሃይቁዋን ቆዩሳናሳ።

15 ቃሲ ባሬንቱ ዴቦዋ ኡባን ሃይቆ ያዩዴ፤ ሃይቆ አይሌቲዴ ዴዲያዋንታ ኡባቱዋ አይሌቲፋፔ ኬሴዳ።

16 አዩሲ ጎፔ፤ አብራሃማ ዛሪያ ኢ ማዲያዋፔ አቲን፤ ኪታንቻቱዋ ማዴናዌ ኤሬቲዳ።

17 ሄዋ ዲራው፤ አሳ ናጋሪይ አቶ ጌቲታና ማላ፤ ያሳ ኪታን አማኔቲዳ ማሪያ ቁሳቱዋ ኡባቱዋ ካፑዋ ጊዳና ማላ፤ ኡባባኒ ኢ ባሬ አሻቱዋ ማላታናው ቤሴ።

18 አዩሲ ጎፔ፤ ኢ ባሬ ሁጴው ፓጩቲዳ ዲራውኔ ዋዬቲዳ ዲራው፤ ፓጩቲያዋንታ ማዳናው ዳንዳዬ።

3

ዩሱሲ ሙሴፔ ቦላ

1 ሄዋ ዲራው፤ ያሳይ ያሴ ጌሻ አሻቶ፤ ኑ ማርካቲፋ ያሳይ ኪቲዳዋ ቁሳቱዋ ኡባቱዋ ካፑዋ፤ ዩሱሲ ኪሪሰቶሳ ቆፒቲ።

2 ሙሴ ባሬ ኪታን ያሳ ጎሊያ ኡባን አማኔቲዳዋ ጊዴዳዋዳን፤ ዩሱሲካ ባሬና ዶሪዴ፤ ሃ ኦሶ ዩዴዳ ያሳው አማኔቲዳዋ።

3 አዩሲ ጎፔ፤ ኬፄቲያ ጎሊያፔ ኬፄያ ቢታኒ ቦንቲቲያዋዳን፤ ሙሴዋፔ አጲያ ቦንቲቲዋ ኢ አካናው ቤሲያዌ ኤሬቲዳዋ።

4 አዩሲ ጎፔ፤ ጎሊያ ኡባ ኬፄዳዌ አቲ አሳ፤ ሺን ኡባባ ኬፄዳዌ ያሳ።

5 ሙሴ ያሳ ጎሊያ ኡባን አማኔቲዳ ኦሳንቻ ጊዲዴ፤ ያሳይ ሲንፋፔ ጋናዋ ማርካቲዳ።

6 ሺን ኪሪሰቶሲ ያሳ ጎሊን ናዓዳን አማኔቲዳዋ፤ ኦኒ አካና ጊዴ ናሹቻን ናጊያዋ ፃላቲፋኒኔ አማኑዋን ናጎፔ፤ ያሳው ጎሊያ ጊዴቶ።

ያሳ አሳይ ሼምፑዋ ዴማና

7 ሄዋ ዲራው፤ ጌሻ አያናይ ሃዋዳን ያጌ፤

«ያሳ ቃላ ሂንቲንቱ ሃቺ ሲሲያባ ጊደፔ፤

8-9 ሂንቲንቱ አዎቲ ታው ኢፂ ማካሊዴ፤

ኦይታሙ ላይፋ ታ ኦሱዋ ቤዔዳ ባዙዋ ፓጩያ ጋላሳዳን፤

ሂንቲንቲካ ዙሪያ አኬናን ኢያፒቲ።

10 ሄዋ ዲራው፣ ታኒ
 ሄ አሳ ሃንቁታዳ፣
 «ኦንቱንቱ ኡባ ዎዴ ባሪንቱ ዎዛናን ባሊና።
 ታ ኦጊያካ ኤሪቤይኪና» ያጋዲ።

11 ሄዋዳንካ ቃሲ፣
 ታኒ ሃንቁታ ጫቃዳ፣
 «ታኒ ሸምፒያሳ ኦንቱንቱ
 ኡባካ ጌሊኪና» ያጋዲ።

ያጌ።
 12 ታናዳን አማኒያዎንቶ፣ ዴዑዎ ያሳፔ ሂንቱንታ ሻኪያ ኢታ
 አማኔና ዎዛናይ ሂንቱናን ኦናኒኔ ዴዔና ማላ ናጌቲቲ።

13 ሺን ያሳይ ሂንቱንታ ኡባ ጋላሲ ሃቼ ጊዴ ያሲሺን፣ ሂንቲፔ
 ኦናኒ ናጋራይ ባሌሊና፣ ዞሪያ ኦኬናን ኢጻና ማላ፣ ኢቱ ኢቱዎ
 ዞሪቲ።

14 አዪሲ ጎፔ፣ ኑኒ ኮይሮ ኑሲ ዴዒያ አማኑዎ ወርሴላይ
 ጋካናው ሎይሊ ናጎፔ፣ ኪሪሰቶሳና ኢቲፔ ሻካና።

15 ያሳ ማፃፋይ፣
 «ያሳ ቃላ ሂንቱንቱ
 ሃቼ ሲሲያዎ ጊዶፔ፣
 ሄ ዎዴ ኦንቱንቱ ኢጻ ማካሌዳዎዳን፣
 ዞሪያ ኦኬናን ኢያፒቲ»

ያጌዳ።
 16 ያሳይ ጊያዎ ሲሲዳ፣ አው ማካሌዳ አሳቱ ኦኔ? ሙሴ
 ጊብጻፔ ካሌሊና ኬሴዳ ኡባቱዎ ጊዲኪኖዬ?

17 ያሳይ ኦይታሙ ላይላ ኦናን ሃንቁቲዴ? አጋይ ዎራን አቲዳ
 አሳቱዎ፣ ናጋራ ኦፊዳዎንታ ጊዲኪኖዬ?

18 ቃሲ ያሳይ ባሪው አዛዜቲናን ኢጻዳዎንቱ ኢ ሸምፒያ ሳሳ
 ኡባካ ጌሌና ማላ፣ ኦንቱንቱሲ ጫቁዳዎፔ አቲን፣ ኦሲ ጫቁዴ?

19 ኦንቱንቱ አማኒቤና ዲራው፣ ሸምፒያሳ ጌላናው
 ዳንዳዪቤናዎ ኑኒ ቤዔቶ።

4

1 ሲሚ ያሳይ ኑና ባሬ ሸምፒያሳ፣ «ጌሊሳና» ጌዳዌ ቢራ
 ጊዶፔ፣ ሂንቲፔ ኦኒኔ ሄ ሸምፒያሳ ጌሊናን አቲና ማላ ናጌቶ።

2 አዪሲ ጎፔ፣ ኦንቱንቱ ዎንጋላ ሚሺራቹዎ ሲሴዳዎዳን፣ ኑኒካ
 ሲሴዶ፤ ኦንቱንቱ ሲሴዲኖ፣ ሺን አማኒዴ አኪቤና ዲራው፣ አይኔ
 ኦንቱንታ ጎሲቤና።

3 ጊደፔካ፣ ያሳ ኪታይ ሳዓይ ሜዴቶዴፔ ዶሚና ፖሌቴዳዎ ጊደፔኔ፣ ያሳይ፡

«ታኒ ሃንቄታ ጫቃዴ፣
ሳኑንቴንቴ ታኒ ሸምፒያሳ
ኡባካ ጌሊኪኖ» ያጋዲ»

ጌዳዎዳን፣ ኮኒ አማኔዳዎንቴ ኢ ሸምፒያሳ ጌላና።
4 አዪሲ ጎፔ፣ ላፑንሳ ጋላሳባ ኢቲሳሳን ያሳ ማፃፋይ፣ «ያሳይ ላፑንሳ ጋላሳን ባሬ ኦሱዋ ኡባፔ ሸምፔዳ» ያጌዳ።

5 ቃሲ ሄ ሳሳን፣ «ኡንቴንቴ ታኒ ሸምፒያሳ ኡባካ ጌሊኪኖ» ያጌዳ።

6 ዎንጋላ ሚሺራቹዋ ኮይሮ ሲሴዳዎንቴ አዛዜቲቤና ዲራው፣ ሸምፕዋ ሳዓ ጌሊቤይኪኖ፤ ኢቲ ኢቲ አሳቱ ያ ጌላናዎንቴ ዴዒኖ።

7 ያሳይ ዳሮ ዎዲያፔ ጉዪያን፣ ዳዊታ ባጋና ላዔንሱዋ ኢቲ ጋላሳ፣ «ሃቹ» ጊያ ቃላን ከሪዴ፡

«ያሳ ቃላ ሂንቴንቴ ሃቹ ሲሲያዎ ጊደፔ፣
ዘሪያ አከናን ኢዖፒቴ»

ያጌዳ።

8 ያሳይ ሸምፒያሳ አሳ አፊዴ ኢያሱ ሸምፒሴዳዎ ጊደንቶ፣ ያሳይ ሃራ ጋላሳዎ ጉዬ ከሪና።

9 ሄዎ ዲራው፣ ያሳ አሳው ሳምባታ ሸምፕ ፍጌቲ ኡቴዳ።

10 አዪሲ ጎፔ፣ ያሳይ ሸምፒያሳ ጌሊያ ኦኒኔ፣ ያሳይ ባሬ ኦሱዋፔ ሸምፔዳዎዳን፣ ኢካ ባሬ ኦሱዋፔ ሸምፓና።

11 ሲሚ ኢሰራዔሊያ አሳይ አዛዜቴናን ኢዲዴ፣ ያሳና ኢቲፔ ሸምፒያሳ ጌሌናን አቴዳዎዳን፣ ኑፔ ኦኒኔ ሄዎ ማላ ኢፀዎን ያ ጌሌናን አቴና ማላ ሚኖይቴ።

12 አዪሲ ጎፔ፣ ያሳ ቃላይ ሚዲናው ዴዒያዎኔ ኦሊያዎ፤ ላዑ ባጋና ሌፊቴዳ ማሻፔካ አዲዴ ኩሴ። ሄ ቃላይ ሸምፕኔ አያናይ፣ ኩሪኔ ኮልዚ ኢቲፔ ጋኬቴያሳ ሻካና ጋካናው ጫዴ። ቃሲ አሳ ዎዛናን ዴዒያ ኮሻኔ ቆፋ ኢ ሻኬ።

13 ኮኒ ኦሊያዎ ዎቹያ ያሳ ሲንሳን ኡባባይካ ቤቲያዎፔኔ ቆንጨያን ዴዒያዎፔ አቲን፣ አ አይፊያን ጌሚያ ሜዴታይ አያይኔ ባዎ።

ዩሱሲ ቄሳቱዋ ኡባቶ ዎልቃማ ካፑዎ

4:3 ማዝ 95:11 4:4 ዶዎ 2:2 4:5 ማዝ 95:11 4:7 ማዝ 95:7-8
4:8 ዛር 31:7፤ ኢያ 22:4 4:10 ዶዎ 2:2

14 ሲሚ ሳሉዋ ቤዳ፣ ቁሳቱዋ ኡባቱዋ ዎልቃማ ካፑ፣ ያሳ ናዓይ ዬሱሲ፣ ኑሲ ዳዒያ ዲራው፣ ኑ ኣማኑዋ ሎይሊ ናጌቶ።

15 ኣዪሲ ሳፔ፣ ኑ ቁሳቱዋ ኡባቱዋ ካፑ ኑኒ ዳቡሪያ ዎይ ኑሲ ቃሪታናው ዳንዳዬ፤ ናጋራ ኢ ኦሲቤናዎፔ ኣቲን፣ ኑናዳን ኡባባንካ ፓጩቴዳ።

16 ሲሚ ኑና ኮሺያ ዎይ ማዲያ ማሮቴላ ኣካናውኔ ኣጵ ኬካቴላ ዳማናው፣ ኣጵ ኬካቴላይ ዳዒያ ሳዓ ያሳ ኣራታኮ፣ ያዬናን ሺቆይቴ።

5

1 ቁሳቱዋ ኡባቱዋ ካፓቱ ሁጲያን ሁጲያን ባሬ ኣሳ ጊዶፔ ዶሪቲዳ፣ ሄ ኣሳ ጊሻታው ያሳው ኦላናው፣ ኢሙዋ ኢማናውኔ ናጋራ ያርሹዋ ያርሻናው ሱንጭቴዲኖ።

2 ኢ ባሬ ሁጲው ዳቡራንቻ ጊዲያ ዲራው፣ ታማሪቤናዎንቶኔ ባሊያዎንቶ ቃሪታናው ዳንዳዬ።

3 ሄዎ ዲራው፣ ሄ ቁሳቱዋ ኡባቱዋ ካፑ ኣሳ ዲራው ያርሹዋ ያርሺያዎዳን፣ ባሬ ሁጲ ናጋራ ዲራውካ ያርሻናው ቤሴ።

4 ያሳይ ኣርና ቁሳቱዋ ኡባቱዋ ካፑዋ ጊዳና ማላ ዪሴዳዎዳን፣ ያሳይ ዪሳናፔ ኣቲን፣ ኦኒኔ ቁሳቱዋ ኡባቱዋ ካፑዋ ጊዲያ ቦንቹዋ ባሬው ኣካናው ዳንዳዬና።

5 ሄዎዳንካ፣ ኪሪሰቶሲ ቁሳቱዋ ኡባቱዋ ካፑዋ ጊዲያ ቦንቹዋ ባሬው ኣኪቤና፤ ሺን ያሳይ ኣ፣

«ኔኒ ታ ናዓ።
ታኒ ሃቹ ኔው ኣዉዋ ጊዳዲ»

ያጌዳ።

6 ሄዎዳንካ ቃሲ ሃራሳን፣

«ማልኪ-ዪዳቂ * ቁሳ ጊዳዳዎዳን፣
ኔኒካ ሜጲናው ቁሳ ጊዳና»

ያጌዳ።

7 ዬሱሲ ሳዓን ዳዒያ ዎይ፣ ባሬና ሃይቁዎፔ ኣሻናው ዳንዳዪያ ያሳ ሎይሊ ዬኪዳኔ ኣፎዲዳ ዎሴዳኔ ኦቹዳ፤ ያሳይ ኣ ዎሳ ሲሴዳዌ፣ ኢ ባሬና ቶቹዳዎሳኔ ኣው ያዬዳዎሳ።

5:3 ዎግ 9:7 5:4 ኪሰ 28:1 5:5 ማዝ 2:7 * 5:6 ማልኪ-ዪዳቂ፣ ሃ ሱንሳይ ኢጫ ጫቁዎን ዪሴቴዳዌ፣ ኢ ቁሳ ኣርኔፔ ካሲና ዳዒዳዌ ኤሬቶ ዲራሳ። ኣ ጉዬ ዛሪናባሲ ኣ ሃይቁዎሳሲ ኣይኔ ጌቱቶዌ ባዎ። 7:3፤ ዶዎ 14:17-20 ዪሊቲ።
5:6 ማዝ 110:4

8 ዩሱሲ ያሳ ናዓ ገደፔኔ፥ ባሬ ዋዬቲዳ ዋዬያን ኣዛዜቲያዎ ታማሪዳ።

9 ዩሱሲ ባሬ ኦሱዋ ፖሌዳ ዎዴ፥ ባሬው ኣዛዜቲያ ኡባው ሜዲና ኣቶቲላ ዴማናው ጋሶ ገዴዳ።

10 ቃሲ ያሳይ ማልኪ-ዲዳቃ ሱንገላቲላዳን፥ ቄሳቱዋ ኡባቱዋ ካፑዋ ገዳና ማላ፥ ኣ ሱንገሌዳ።

አሳይ ባሌናዳን ኦዴቲዳ ሚኖ ኦዲዋ

11 ኮኒ ሃ ዬወዋን ሃሳያናባይ ዳሮባይ ዴዔ፤ ሺን ሂንቴንቱ ኣክካናው ኣዛላ ገዲያ ዲራው፥ ሂንቴንቱሲ ኦዲ ጌሊሳናው ዋዩሴ።

12 ኣዩሲ ጎፔ፥ ሂንቴንቱ ሃ ዎዲያን ታማሪሲያዋንታ ገዳናው ቤሶፔካ፥ ያሳ ቃላ ኮይሮ ቲሚርቲያ ሂንቴንታ ዛሪ ታማሪሲያ ኢቲ ኡራ ኮሼ፤ ሂንቴንታ ኡሺያ ማላ ኮሼፔ ኣቲን፥ ጮሚያ ቁማ ኮሼና።

13 ማላ ፓኬቲዴ ዴዒያ ኦኒኔ ጋጪኖ ናዓ ገዲያ ዲራው፥ ዲሎቲላ ቲሚርቲያዋ ኤሬና።

14 ሺን ሚኖ ቁማይ ኢታኔ ከካ ዴዑዋ ዳሩዋን ሻኪ ኤሬዳ ዎዛናማ ኣሳሳ።

6

1-2 ሄዋ ዲራው፥ ኪሪሰቶሳ ቲሚርቲያ ቢሮ ዶሚያዎ ኣገዴ፥ ዎዛናማ ኣሳ ቲሚርቲው ሲንገላው ቦይቲ፤ ኮይሮ ኮኒ ታማራናው ኮሺያ ቲሚርቲያ ዎዲ ኤቂዴ ታማራናው ኦሲ ቤሴና፤ ሄ ቲሚርቲ ኣዬ ጎፔ፥ ማዴና ኦሱዋፔ ሲሚያዎ፥ ያሳ ኣማኒያዎ፥ ዲንቃታቱዋባ፥

* ኮሺያ ዎሉዋባ፥ ሃይቁዋፔ ዴንዲዋባኔ ሜዲና ፒርዳባ።

3 ያሳይ ኦሊቲ ጎፔ፥ ሄዋ ኮኒ ኦላና።

4-5 ኣዩሲ ጎፔ፥ ኢቶዴካ ፖዑ ፖዔዳዋንታኔ ሳሉዋ ኢሙዋ ባሬ ቤዔዳዋንታ፥ ቃሲ ጌሻ ኣያናካ ሻኪ ኣኬዳዋንታኔ ያሳ ቃላይ ሎዓ ገዴዳዋ ሲሲ ኤሬዳዋንታ፥ ሲንገላፔ ያና ሳዓ ዎልቃካ ቦቺ ያሌዳዋንታ።

6 ሄዋፔ ጉዬ ሲሚዴ ካዴዳዋንታ ናጋራፔ ላዔንሉዋ ዛራናዌ ዳንዳዬቴና። ኣዩሲ ጎፔ፥ ሄዋንቱ ያሳ ናዓ ማሰቃሊያ ቦላ ሚሲማሪያን ዲሺዴ ካቂያዋንታኔ ኣሳ ሲንገላን ካወሺያዋንቱ ማላ።

* 6:1-2 ዲንቃታቱዋባ፥ ሜቻቱዋባ ጊያዋ ገዲዴ ጌሻቴላባ ግሪኬን ዲማ ዲማ ዎጋ ገዲያዎ ቤሴ።

7 ኡባ ዎዴ ቡኪያ ኢራ ኡሺና፡ ጎሹዳ ኡራ ጎዒያ ካላ ሞኪያ ቢታ ያሳይ አንጃ።

8 ሺን ቡሉዋኔ ቡዙዋ ሞኮፔ፡ አይኔ ጎዔና፤ ሽቃው ሽቂ ኡቴዳ። ቃሲ ዉርሴላን ጉዴታና።

9 ሺን ኑ ሲቃቶ፡ ኑኒ ሃዋዳን ሃሳዪያዋ ጊዳፔኔ፡ ሂንቴንቱ አቶቴላው ጊዲያ ሎዖባይ ሂንቴንቱሲ ዴዒያዋ ኤሬቶ።

10 አዪሲ ጎፔ፡ ሂንቴንቱ ኦሌዳ ኦሱዋኔ ቃሲ አማኒያዋንታ ማዴዳዋኒኔ ሃዒካ ማዲያዋን ያሳ ሲቄዳ ሲቁዋ ያሳይ ደጋናው ማካላ ጊዴና።

11 ሂንቴንቱ ሁጲያን ሁጲያን ዴማና ጊዴ፡ ሂደታን ናጊ ኡቴዳ ኩሚንሳ ቱማቴላ ዉርሴላይ ጋካናው፡ ካሴዋዳን ሚኒሲዴ ኦላና ማላ አሞቴቶ።

12 ያሳይ አማና ጌዳዋ አማኑዋኒኔ ጌንጫን ላቲያዋንቱ ማላ ሂንቴንቱ ጊዳናዋ ኑኒ ኮዪያዋፔ አቲን፡ አዛላ ጊዳናዋ ኮኮኮ።

ያሳይ ኢሚዳ ሂደታይ ሲጲሴናዋ

13 ያሳይ አብራሃሞ አማና ጊዴ ጫቄዳ ዎዴ፡ ባሬፔ አጲያ ዎልቃማይ ባይና ዲራው፡ ባሬ ሁጲያን ጫቄዳ።

14 ያሳይ አ፡

«ታኒ ኔና አንጃና፤
ኔ ዜሬላካ ጮሪሳና»

ያጊዴ ጫቄዳ።

15 ሄዋዳንካ፡ አብራሃሞ ጌንጪ ናጊዴ፡ ያሳይ አማና ጌዳዋ አኬዳ።

16 አዪሲ ጎፔ፡ አሳይ ባሬፔ ቶቂያ ኡራን ጫቄ፤ ቃሲ ሄ ጫቄ ፓሉሚያ ኡባካ ቱዔ።

17 ሄዋ ዲራው፡ ያሳይ ባሬ አማና ጌዳዋ ላታናዋንቶ ባሬ ቆፋ ኡባካ ላሚናዋ ጌሺ ኦዳናው ሎይሊ ኮዪዴ፡ ሄዌ ቱማ ጊዴዳዎ ጫቄዳ።

18 ያሳይ ዎርደታናው ዳንዳዬና ሃ ላዑ ላሚቴና ዬዋቱዋን፡ ኢ አማና ጌዳ ኑ ሲንላን ዴዒያዋ ኦይቃናው አኮ ባቃቴዳ ኑሲ ዎልቃማ ሚንሌሉ ዴዔ።

19 ሃ ኑኒ ዴማና ጊዴ ናሹቻን ናጊ ኡቴዳዌ፡ ኑ ሽሞፖ ማርካቢያ ኦይቂያ ቃፄና ቢራታ ማላ፤ ሄ ኑኒ ዴማና ጊዴ፡ ናሹቻን

ናጊ ኡቴዳዌ ኤሬቴዳ ሚኖ ጊዲዳ፣ ጋሪዲዋ † ጊዶ ጌሻሳ ጌሌ።

20 ቃሲ ዬሱሲ ማልኪ-ጌዳቃ ሱንጻቴላዲን፣ ሜጂናው ቁሳቱዋ ኡባቱዋ ካፑዋ ጊዲዳ፣ ኑ ጊሻታው ኑፔ ካሴቴዳ፣ ሄ ሳዓ ጌሌዳ።

7

ቁሳ ማልኪ-ጌዳቃ

1 ሃ ማልኪ-ጌዳቁ፣ ሳሌማ ካቲ፣ ኡባፔ ቦላ ያሳ ቁሳይ፣ ኡብራሃዋ ካቲቱዋ ዎጲዳ ኦላፔ ሲሚሺን፣ ኣናና ጋኬቴዳ፣ ኣ ኣንጂዳ።

2 ኡብራሃዋ ባሬ ኦዎዳዳ ኡባፔ ኣሲራታ ኬሲዳ፣ ኣው ኢሜዳ፤ ማልኪ-ጌዳቃ ሱንጻው ኮይሮ ቢሌላይ ዪሎቴላ ካቲያ ጊያዋ፤ ቃሲ ሳሌማ ካቲያ ኢ ጊዲያ ዲራው፣ ሳዔሶ ቢሌላይ ሳሮቴላ ካቲያ ጊያዋ።

3 ማልኪ-ጌዳቃው ዳያ ዎይ ኣው፣ ዎይ ኣው ዛሪያ ፓይዲ ባዋ፤ ቃሲ ኣ ዬሌታው ደሜላይ ዎይ ኣ ሃይቆ ዉርሴላይ ባዋ፤ ሺን ያሳ ናዓ ማላቲዳ፣ ሜጂናው ቁሳ ጊዳዳ።

4 ኑ ኦዎቱዋ ካፑ ኡብራሃዋ ኦላን ኦዎዲዳ፣ ኣሄዳዋፔ ኣሲራታ ኢሜዳ ማልኪ-ጌዳቁ ኣይ ኬና ቶቁ ጊያዌንቶ ቤዒቲ።

5 ቁሳ ጊዲያ ሌዊያ ዛራቱ ኢሰራዔሊያ ኣሳፔ፣ ሄዌኔ ባሬንቱ ጋዴ ኣሳፔ ሃራይ ኣቶ ኡንቱንቱ ኡብራሃዋ ዛሬ ጊዶፔኔ፣ ኣሲራታ ኣካና ማላ፣ ሂጊያን ኣዛዜቴዲና።

6 ማልኪ-ጌዳቁ ሌዊያ ዛሬ ጊዳና፤ ሺን ኡብራሃዋፔ ኣሲራታ ኣኪዳ፣ ያሳይ ኢማና ጌዳዋ ናጊያ ኡብራሃማ ኣንጂዳ።

7 ቃሲ ኣንጂያዌ ኣንጂቲያዋፔ ቶቁ ጊያዌ ፓሎንሴና።

8 ኢቲ ባጋና፣ ሃይቁያ ኣሳይ ኣሲራታ ኬሴ፤ ሺን ሃራ ባጋና ቃሲ፣ ሃይቁና ጊዳ ማርካቲያ ኡራይ ኣሲራታ ኬሴ።

9 ሃዋዲን ሃሳናው ሃራይ ኣቶ፣ ኣሲራታ ኬሲያ ሌዊካ ኡብራሃዋ ባጋና ኣሲራታ ኢሜዳ።

10 ኣዩሲ ጎፔ፣ ማልኪ-ጌዳቁ ኡብራሃዋና ጋኬቲያ ዎዳ፣ ሌዊ ቢሮ ዬሌቴቤና፤ ሺን ባሬ ዛሪያ ኡብራሃማ ጉልባታን ዳዔ።

† 6:19 ጋሪዲዋ፣ ሃዌ ዲንካኒያ ጊዲዋን ጎይናው ማዲያዎ። ሄዌካ «ጌሻሳ» ጌቴቴዳዋፔ «ጌሻፕ ጌሻሳ» ሻካናው ጎዲያዋ ጊዲዳ ቁሳቱዋ ካፕ ዓላላይ ጌላናው ዲንዳዪያሳ። 6:19 ዎግ 16:2 6:20 ማዝ 110:4 7:1 ደም 14:17-20 7:5 ፓይ 18:21

11 ኢስራዔሊያ አሳው ሂጊ ሌዊያ * ዜሬላቱዋ ቄሴቴላ ባጋና ኢሜቴዳ። ሄ ቄሴቴላ ኪታይ ባላይ ባይናዋ ጊደፔ፣ አሮናዋ ማላ ጊደናን ማልኪ-ጌዳቃ ማላ ሃራ ቄሳይ ሱንጭታናው አዩሲ ኮሺ?

12 አዩሲ ጎፔ፣ ቄሴቴላይ ላሜቲያ ዋዳ፣ ሂጊካ ቃሲ ላሜታናው ኮሺ።

13 ሃ ዬዉ ሃሳዬቴዳ ኡራይ ሃራ ዛሪ፤ አ ዛሪያፔ ኦኒኔ ያርሺያሳን ቄሳዳን አሊቤና።

14 ኑ ጎዳይ ዩሁዳ ዛሪያፔ ዬዳዌ ኤሪቴዳዋ ጊዲያ ዲራው፣ ሙሴ ቄሳቱዋላ ሃሳዩዳ፣ ሄ ዛሪያባ አይኔ ሃሳዩቤና።

ኪሪስቶሲ ማልኪ-ጌዳቃ ማላ ቄሳ

15 ማልኪ-ጌዳቃ ማላ ሃራ ቄሳይ ዬዳዋ ጊዲንቶ፣ ሃዌ አዲዳ ኤሪታናዋ።

16 ኢ አሳ ሂጊያኒኔ ዋጋን ቄሳ ጊዲቤና፤ ሺን ዉሪና ደዑዋ ዋልቃን ቄሳ ጊዴዳ።

17 አዩሲ ጎፔ፣ ያሳ ማፃፋይ፣

«ማልኪ-ጌዳቂ ቄሳ ጊዴዳዋዳን፣

ኔኒካ ሜዲናው ቄሳ ጊዳናዋ»

ያጊዴ ማርካቴ።

18 ቤኒ ዳዒያ ሂጊ ላፋኔ ማዴናዋ ጊዲያ ዲራው አቴዳ።

19 አዩሲ ጎፔ፣ ሙሴ ሂጊ አያኔ ባላይ ባይናዋ አላናው ዳንዳዬና፤ ቃሲ ኦኒ አ ባጋና ያሳኮ ሺቃና ጊዴ ናሼቻን ናጊ ኡቴዳ ኡባፔ አዲያዌ ዬዳ።

20 ሄዋ ቦላን ቃሲ ያሳ ጫቁካ ዳዔ፤ ሃራቱ ቄሳ ጊዴዳ ዋዳ፣ ሄዋ ማላ ጫቁ ባዋ።

21 ሺን ዬሱሲ ጫቁዋን ቄሳ ጊዴዳ፤ ያሳይ አ፣

«ጎዳይ ጫቁዳ፤ ኢ ባሬ ቆፋ ላሜና።

ኒኒ ሜዲናው ቄሳ ጊዳና) ጌዳ»

ያጊዳ።

22 ሄዋ ዲራው፣ ዬሱሲ ኡባፔ አዲያ ጫቆ ዋሴ ጊዴዳ።

23 ካሴ ቄሳቱዋ ፓይዲ ጮራ፤ አዩሲ ጎፔ፣ ኡንቱንቱ አላና ኡሱዋ ሃይቆ ዲጌዳ።

24 ሺን ዬሱሲ ሜዲናው ዳዒያ ዲራው፣ አ ቄሴቴላይ ላሜቴና።

25 ሄዋ ዲራው፣ ኢ ኡንቱንቱ ጊሻታው ጋናታናው ሜዲናው ዳዒያ ዲራው፣ ያሳኮ ባሬ ባጋና ዩያዋንታ ኡባቱዋ አሻናው ዳንዳዬ።

* 7:11 ሌዊያ፡ ሃ ሱንላ ጌሴቲያዋንቱ ቄሳቱዋፔኔ ኡንቱንታ ማዲያዋንቱፔ ዶሪቴዳዋንታ። 7:17 ማዝ 110:4 7:21 ማዝ 110:4

26 ኑሲ ገዢ ሃዋ ማላ፣ ቄሳቱዋ ኡባቱዋ ካቸ ደዓናው ኮሼ፤ ኢ ገሻ፤ አኒ ጌኒኔ ካዴሌያባይ ባዋ፤ ናጋራንቻቱዋና ኢ ጋኬቴና፤ ቃሲ ዶቃ ሳሉዋንካ ኢ ቦንቼቴዳ።

27 ሃራ ቄሳቱዋ ኡባቱዋ ካፓቱዋዳን፣ ኢ ኮይሮ ባሬ ሁጳ ናጋራሲ ያርሺዳ፣ ቃሲ ጉዬፔ አሳ ናጋራሲ ሃቼ ሃቼ ያርሻናው ኮሼና፤ ኢ ባሬና ያርሼዳ ዎዴ፣ ላዔንሐናን አቲ ጌዴ ያርሼዳ።

28 አዪሲ ጎፔ፣ ሙሴ ሂጊ ዳቡራንቻ አሳ ቄሳቱዋ ኡባቱዋ ካቸዋ ኡዲዴ ሱንሐ፤ ሺን ያሳይ አማና ጊዴ ጫቄዳ ሂጊያፔ ጉዬ ዬዳ ቃላይ ሜዲናው ባላይ ባይናዋ፣ ያሳ ናዓ ሱንሐ።

8

ዬሱሲ ኦራላ ቃላ ጫቁዋ ቄሳቱዋ ኡባቱዋ ካቸዋ

1 ኑኒ ሃሳዪያ ዎልቃማባይ ሃዋ፤ ሳሉዋን ኡባፔ ቦላ ያሳይ ኡቲያ ካዉቲላ ኦይዲያፔ ኡሼቻ ባጋና ኡቲዳ ቄሳቱዋ ኡባቱዋ ካቸ፣ ሃዋ ማላይ ኑሲ ዴዔ።

2 ገሻ ሳዓኒኔ ቱሙ ዱንካኒያን ኢ ኦሐ፤ ሄ ዱንካኒ አሳይ ኤሴዳዋ ጊዴናን፣ ያሳይ ኤሴዳዋ።

3 ቄሳቱዋ ኡባቱዋ ካቸ ኡባይ ኢሙዋኔ ያርሹዋ ያሳው አማናው ሱንሐቴዳ ዲራው፣ ሃ ቄሳቱዋ ኡባቱዋ ካፖካ ያርሻናው አቲባይ ደዓናው ኮሼ።

4 ሰሚ ሳዓን ኢ ዴዒያዎ ጊዶፔ፣ ኡባካ ቄሳ ጊዴና፤ አዪሲ ጎፔ፣ ሂጊ አዛዚያዎዳን፣ ኢሙዋ አሚያ ቄሳቱ ዴዒና።

5 ኡንቱንቱ ቄሳቱዋዳን ኦሐያ ከታይ ሳሉዋን ዴዒያ ኦሶ ቱሙ ለሚሱዋኔ ኡሹዋ፤ አዪሲ ጎፔ፣ ሙሴ ዱንካኒያ ኤሳና ሃኒሺን፣ ያሳይ አ፣ «አኬካ፤ ኡባባካ ታኒ ኔና ዴሪያ ሁጲያን ቤሴዳ ለሚሱዋ ካላዴ ኦላ» ያጌዳ።

6 ሺን ዬሱሲ ጋናቲያ ጫቄ ካሰዋፔ አዲያዎዳንካ፣ አው አሜቲዳ ኦሶካ ኡንቱንቱዋፔ አዴ፤ አዪሲ ጎፔ፣ ሄ ጫቄ ያሳይ አማና ጌዳ ኡባፔ አዲያ ከታን ኦሴቴዳ።

7 አዪሲ ጎፔ፣ ኮይሮ ጫቁዋን ባላይ ባይናዋ ጊዲንቶ፣ ላዔንሐ ጫቁዋ ኮሼና።

8 ሺን ኡንቱንታ ቦሪዴ፣ ጎዳይ ሃዋዳን ያጌ፤

«ታኒ ኢሰራዔሊያ አሳናኔ ዪሁዳ አሳና

ኦራላ ጫቁዋ ጫቄቲያ ጋላሳቱ ያናዋ።

9 ሄ ጫቄ ታኒ ገብፄ ጋዲያፔ

ኢንቱንቱ አዋቱዋ ኩሺያ ኦዲቃዳ፥ ጎቻ ከሴዳ ዋዴ፥
 ኢንቱንቱና ጫቁቲዳ ጫቁዋ ማላ ጊዳና።
 ኢንቱንቱ ታ ጫቁዋን አማኔቲቤና ዲራው፥
 ታኒካ ኢንቱንታ አጋዲ።
 ታኒ፥ ጎዳይ፥ ሃዋ ኦዳይ።

10 አዪሲ ጎፔ፥ ሄ ጋላሳቱዋፔ ጉዪያን፥
 ታኒ ኢሰራዔሊያ አሳና ጫቁታና ጫቁ ሃዋ፥
 ታኒ ታ ሂጊያ ኢንቱንቱ ቆፋን ዋላና፤
 ቃሲ ኢንቱንቱ ዋዛናንካ ፃፋና።

ታኒ ኢንቱንቱ ያሳ ጊዳና፤ ኢንቱንቱካ ታ አሳ ጊዳና።

11 ኢንቱንቱፔ ኦኒኔ ባሬ ሸሩዋ
 ዋይ ባሬ ኢሻ፥
 ሳዳ ኤራ) ያጊዳ ታማሪሴና።

አዪሲ ጎፔ፥ ኢንቱንቱ ናባፔ ጨማ ጋካናው ኡባይ ታና ኤሪኖ።

12 ታኒ ኢንቱንቱ ናቁዋ ማራና፤
 ኢንቱንቱ ናጋራካ ላዔንሎ ሃሳዪኬ»

ያጌ።

13 ያሳይ ኦራላ ጫቁዋ ጊዳ ሃሳዪያዋን ኮይሮዋ ኤጨሴዳ፤ ቃሲ ኤጨያባዪኔ ዉሪያባይ ኤሌካ ጳያና።

9

ሳሉዋን ኦሴቲያ አያና ኦሱ ሳባን ኦሴቲያ አያና ኦሱዋፔ አጴ

1 ኮይሮ ጫቆ ያሳው ጎዪኒያ ዋጋይኔ አሳይ ኦሌዳ ጌሻ ጎሊ ዴዔ።

2 አዪሲ ጎፔ፥ ኮይሮ ዲንካኒ ኤቁዳ፤ አ ጊዲዋን ሙቃዳ ዋሊያዊ፥ ፃራጴዛይኔ ጎዳ ሲንላን ዋሊያ ኡከላይ ዴዔ፤ ሄ ሳባይ ጌሻሳ ጊዳ ጻሴቲ።

3 ላዔንሎ ጋሪዱዋ ጉዬ ባጋና ኡባፔ አጴያ ጌሻ ሳባ ጌቲቲያ ዲንካኒ ዴዔ።

4 አ ጊዲዋን ኢፃና ጨዋያናው ዋርቃፔ ኦሌዳ ሳዲኒኔ ኡባሳና ዋርቃን ሹሹዳ ቃላ ጫቁዋ ታቦታይ ዴዔ። ሄ ቃላ ጫቁዋ ታቦታን ማናይ ዴዒያ ዋርቃ ፃሩ፥ አሮና ፃምዒይ አጨዳዊኔ ቃሲ ሙሴ ሂጊ ፃፌቲዳ ላዑ ማሴቲዳ ሹቻቱ ዴዒኖ።

9:2 ኬስ 26:1-30፤ 25:31-40፤ 25:23-30 9:3 ኬስ 26:31-33 9:4 ኬስ 30:1-6፤ 25:10-16፤ 16:33፤ ፓይ 17:8-10፤ ዛር 10:3-5

5 ሄ ቃላ ጫቁዎ ታቦታ፤ ቦላ ባጋና አቶ ጊያ ሳዓ ቁምዔያ ባሬንቱ ቁፊያን ገንፊያ ቦንቾ ኪሩቤቱ ዴዒኖ፤ ሺን ሃ ኡባባ ሃዒ ዉርሲ ኦዳናው ዳንዳዮኮ።

6 ሄዌ ሄዋዳን ጊጊ ዴዒሺን፣ ቁሳቱ ኡባ ዎዴ፣ ባሬንቱ ኦቡዎ አላናው ኮይሮ ዲንካኒያ ጌሊኖ።

7 ሺን ቁሳቱዎ ኡባቱዎ ካፑዎ ፃላላይ ላዔንሐ ዲንካኒያ ላይላ፤ ኢቲ ጌዴ ጌሊዴ ባሬ ዲራዉኔ ኤሬናን አሳይ ኦሌዳ ናጋራ ዲራው፣ ያሳው ያርሺያ ሱላ አኪዴ ጌሌ።

8 ኮይሮ ዲንካኒ ኤቂ ዴዒሺን፣ ኡባ፤ አዲያ ጌሻ ሳዓ አፊያ ኦጊ ቢሮ ዶይቲቤናዎ ጌሻ አያናይ ሄዋን ኤሬሴ።

9 ሄ ዲንካኒ ሃ ዎዴው ሌሚሱዎ፤ ሄዎ ጊያዌ ያሳው አሚያ አሙኔ ያርሹ ጎዪኒያዎ ሱሬ ዎዛና ባላይ ባይናዎ አላናው ዳንዳዪኪኖ።

10 ሄዋንቱ ሙሳባ፣ ኡሻባኔ ዲማ ዲማ ሜቻባ ኦዲያ ካሬ ባጋ ዎጋቱዎ፤ አንቱንቱ ኦራዲያ ዎዲ ጋካናው ኦሴቲያ ዎጋቱዎ።

11 ሺን ኪሪሰቶሲ ሃዋን ዴዒያ ሎዎባው ቁሳቱዎ ኡባቱዎ ካፑዎ ጊዲዴ ዪዲጌዳ። ኢ ጌሊዴ ኦሊያ ዲንካኒ ኡባ፤ አዲያዎኔ ባላይ ባይናዎ፤ ቃሲ ሄ ዲንካኒያ አሳይ ኦሊቤና፤ ሃ ሜዴቲዳ ሳዓባካ ጊዴና።

12 ኪሪሰቶሲ ኡባ፤ አዲያ ጌሻ ሳዓ ጌሊያ ዎዴ፣ ዴሻ ሱላኔ ጋሎ ማራ ሱላ ኦይቂዴ ጌሊቤና፤ ሺን ባሬ ሱላ ኦይቂዴ፣ ኦሲ ሜዲና አቶቲላ አሚዴ፣ ላዔሌናን ኢቲ ጌዴ ጌሌዳ።

13 ቲኔዳ አሳ ቦላ ኮሩማ ሱላኔ ዴሻ ሱላ ጫጫፊዴ፣ ጉዴቲዳ ኡሳቲ ቢዲንላ ቆለና፣ ሄ ኡራ ቱናቲላ፤ ጌሻናው ዳንዳዮ፤

14 ሜዲና ጌሻ አያና ባጋና ባላይ ባይና ያርሹዎዳን፣ ያሳው ባሬና አሚዳ ኪሪሰቶሳ ሱላይ፣ ኦኒ ዴዑዎ ያሳው ኦላና ማላ፣ ካሴ ኦ ሃይቂዳ ኦቡዎ፤ ኦ ሱሬ ዎዛና ዎቲ ጌሻንዴሻ!

15 ሄዎ ዲራው፣ ያሳይ ዪሴዳዎንቱ ኢ አማና ጌዳ ሜዲና አንጂዎ ላታና ማላ፣ ኪሪሰቶሲ ኦራላ ጫቆ ጋናቲዳ፤ ሄዌ ሃናና ዳንዳዪያዌ፣ አሳይ ኮይሮ ጫቁዎ፤ ጋርሳን ዴዒዴ ኦሌዳ ባላ አይሌቲላ፤ ኬሲያ ሃይቂ ዴዒያ ዲራሳ።

16 አዪሲ ጎ፤ ሃይቂያ ኡራይ ዎይቲዳዌ ዴዎ፤ ሄ ኡራይ ሃይቆዌ ኤሬታናው ኮሼ።

17 አዪሲ ጎ፤ ዎይቲዳ ኡራይ ሃይቂዳ ዎዴ፣ ኢ ዎይቲዳዌ ፖሌቲዳ፤ ሄ ዎይቲዳዌ ገፃ ዴዒሺን፣ አይኔ ፖሌቲና።

9:5 ከሰ 25:18-22 9:6 ፓይ 18:2-6 9:7 ዋግ 16:2-34 9:13 ዋግ 16:15-16፣ ፓይ 19:9፣ 17-19

18 ሃራይ አቶ፡ ኮይሮ ጫቁካ ሱላይ ባይናን ኢንጃቲቤናዊ ሃዋሳ።

19-20 እዪሲ ጎፔ፡ ሂጊያን ደዒያ አዛዙዋ ኡባ ሙሴ አሳ ኡባው ኦዴዳ፤ ሄዋፔ ጉዪያን፡ ጋሎ ማራ ሱላይ ደሻ ሱላ፡ ሃላና፡ ዘፆ ደርሳ ኢሲኪያናኔ ሂሶጲያ ጊያ ሚላ ቦንጨያና ኢቲፔ አኪዴ፡ «ሃዌ ሂንቲንታ ያሳይ አዛዜዳ ጫቁዋ ሱላ» ያጊዴ፡ ሂጊያ ማፃፋ ቦላኔ አሳ ኡባ ቦላ ጫጫፊዳ።

21 ሄዋዳንካ፡ ዲንካኒያ ቦላኔ ኦሌያ ሚሻ ኡባ ቦላ ሱላ ሙሴ ጫጫፊዳ።

22 ሂጊ ጊያዋዳን፡ ቱሙካ አማራዊዋፔ አቲን፡ ኡባባይካ ሱላን ጌዬ፤ ሱላይ ጉካና ቆዮፔ፡ አቶቴላይ ባዋ።

ኪሪስቶሲ ያርሼቴዳዌ ናጋራ ቁጪ ቆዩሴ

23 ሄዋ ዲራው፡ ሳሉዋን ደዒያዋንታ ማላቲያዋንቱ ሄ ያርሼዋን ጌያናው ኮሼ፤ ሺን ሳሉዋን ደዒያዋንቱካ ባሬንቱ ሁጹው ጌያናው አጲያ ያርሼዋ ኡንቲንታ ኮሼ።

24 እዪሲ ጎፔ፡ ኪሪስቶሲ ቱሙ ጌሻሳን ለሚሴቲያ አሳይ ኦሌዳ ጌሻሳ ጌሊቤና፤ ሺን ኢ ሃዒ ኑ ጊሻታው ያሳ ሲንላን ቤታናው ያ ሳሉዋ ጌሌዳ።

25 ቁሳቱዋ ኡባቱዋ ካፑ ላይላን ላይላን ባሬ ሱላ ጊዴናዋ ኦይቂዴ፡ ጌሻ ሳዓ ጌሊያዋዳን፡ ኪሪስቶሲ ባሬና ኡባዴ ያርሻናው ጌሊቤና።

26 ሄዋ ጊዲንቶ፡ ኪሪስቶሲ ሳዓይ ማጴቶዴፔ ደሚዴ ዳሮ ጌዴ ዋዬታናው ኮሼ፤ ሺን ሃዒ ዋዲያ ወርሴላን ናጋራ ቆዩሳናው ባሬና ያርሼዴ፡ ላዔሌናን ኢቲ ጌዴ ቤቲዳ።

27 አሳይ ኡባይ ኢቲ ጌዴ ሃይቃናው ቤሴ፤ ሄዋፔ ጉዪያን ያሳይ አሳ ፒርዳና።

28 ሄዋዳንካ፡ ቃሲ ኪሪስቶሲ ዳሮ አሳ ናጋራ ቆዩሳናው ኢቲ ጌዴ ያርሼቴዳ፤ ቃሲ ኢ ባሬና ሎይሊ ናጊያዋንታ አሻናው ቤታናፔ አቲን፡ ላዔንሶ ናጋራ ቶካናው ቤቲና።

10

1 እዪሲ ጎፔ፡ ሂጌው ያና ሎዖባ ኤሹዋ ፃላላይ ደዔ፤ አው ቱሙ ለሚሱ ባዋ። ኡባ ዋዴ ላይላን ላይላን ኢቲ ማላ ያርሼ ያርሼቲ፤ ሄዋ ዲራው፡ ሂጊ ያሳኮ ሺቂያ አሳ ሄ ያርሼዋን ባላይ ባይና አሳ ኦላናው ኡባካ ዳንዳዬና።

2 ያሳው ጎዱኒያ አሳይ ባሬ ናጋራፔ ኡባና ጌዬዳባ ጊዲንቶ፥ ሱሬ ዋዛናን ላዔሉዋ ናጋራ ቆፔና፤ ቃሲ ያርሺያዋካ አጋና።

3 ሺን አሳይ ላይላን ላይላን ሄ ያርሹዋን ባሬ ናጋራ ሃሳዬ።

4 አዪሲ ጎፔ፥ ኮሩማ ሱላይኔ ዳሻ ሱላይ ናጋራ ቆዩሳናው ኡባካ ዳንዳዬና።

5 ሄዋ ዲራው፥ ኪሪሰቶሲ ሃ አላሚያ ያና ሃኒዳ፥ ሃዋዳን ያጌዳ፤

«ኔኒ ያርሹዋኔ ኢሙዋ ኮያቤይካ፤

ሺን ታው ቦላ ጊጊሳዳ።

6 ኔኒ ፀጊያ ያርሹዋኒኔ

ናጋራ ያርሹዋን ኡባካ ናሼታካ።

7 ታኒ ሄ ዋዳ፥ «ፃላ ማፃፋን ታባይ ፃፌቲዳዋዳንካ፥

ያሳው፥ ታኒ ኔኒ ኮዪያዋ አላናው ያዲ» ያጋዲ»

ያጌዳ።

8 ያርሹ ያርሹታና ማላ፥ ሂጊ አዛዚያዋ ጊዶፔኔ፥ ኪሪሰቶሲ ኮይሮ፥ «ኔኒ ያርሹዋ፥ አሞታ፥ ፀጊያ ያርሹዋኔ ናጋራ ያርሹዋ ኡባካ ኮያቤይካ፤ ሄዋንቱን ናሼታካ» ያጌዳ።

9 ሄዋፔ ጉዪያን ኪሪሰቶሲ፥ «ያሳው፥ ታኒ ኔኒ ኮዪያዋ አላናው ያዲ» ያጌዳ። ሄዋ ዲራው፥ ኪሪሰቶሲ ላዔንሉዋ ኡሳናው ኮይሮዋ ቆዩሲ።

10 ዬሱሲ ኪሪሰቶሲ ያሳይ ኮዬዳዋ አሌዳ ዲራው፥ ባሬ አሹዋ ላዔንሉናን አቲ ጌዳ ያርሹዳዋን ኑኒ ኑ ናጋራፔ ጌዪ አጌዳ።

11 ቄሳቱዋ ኡባቱ ሃቺ ሃቺ ኤቂዳ፥ ባሬ ኦሱዋ አሊኖ፤ ቃሲ ናጋራ ቆዩሳናው ኡባካ ዳንዳዬና አቲ ማላ ያርሹዋ ዛሬ ዛሬዳ ያርሺኖ።

12 ሺን ኪሪሰቶሲ ናጋራ ዲራው፥ ኡባ ዋዳው ጊዳዳ አቲ ያርሹዋ ያርሺዳ፥ ያሳፔ ኡሼቻ ባጋና አቲ አጌዳ።

13 ያሳይ ሲንላፔ ኪሪሰቶሳ ሞርኬቱዋ ኪሪሰቶሳው ጌዲያን ዬዲያዋ አላና ጋካናው፥ ያኒ ናጌ።

14 አዪሲ ጎፔ፥ ኢ አቲ ጌዳ ያርሹዳዋን፥ ናጋራፔ ጌዬዳዋንታ ማዲናው ባላይ ባይናዋንታ አሌዳ።

15 ቃሲ ጌሻ አያናይ ኑሲ ማርካቲዳ፥ ሃዋዳን ያጌ፤

16 «ታኒ ሄ ጋላሳቱዋፔ ጉዪያን፥

ኡንቱንቱና ጫቄቲያ ጫቄ ሃዋ፥

ታኒ ታ ሂጊያ ኡንቱንቱ ቆፋን ዋላና፤

ቃሲ ኡንቴንቴ ዋዛናንካ ፃፋና»

ያጌ።

17 ቃሲ ሄዋፔ ጉዬና፡

«ታኒ ኡንቴንቴ ናጋራኔ

ኡንቴንቴ ማካላ ኦሱዋ ላዔንሉ ሃሳዪኬ»

ያጌ።

18 ያሳይ ሄ ናጋራ አቶ ጌዳ ዎዴ፡ ናጋራ ጳዪሳናው ሃዋፔ ሲንላው ያርሹዋ ኮሼና።

ያሳኮ ሺቃናው ኮሼ

19 ሲሚ ታናዳን አማኒያዋንቶ፡ ኑኒ ዬሱሳ ሱላ ባጋና ኡባፔ አዲያ ጌሻ ሳዓ ጌላናው ኑሲ ፃላቴላይ ዴዔ።

20 ኪሪሰቶሲ ኑሲ ኦራላ ኦጊያኔ ዴዐ-ዋ ኦጊያ ጋሪዱዋ ባጋና፡ ሄዋ ጉሳይ ባሬ ቦላ ባጋና ዶዬዳ።

21 ኑሲ ያሳ ጎሌን ሱንሌቴዳ ዎልቃማ ቁሳይ ዴዒያ ዲራው፡

22 ኑኒ ሱሬ ዋዛናና፡ ቱሙ አማኑዋና፡ ኢታ ዋዛናፔ ጌዬዳ ዋዛናናኔ ቃሲ ዲሎ ሃላን ሜጩቴዳ ቦላና ያሳኮ ሺቆይቴ።

23 ኑሲ አማና ጌዳ ያሳይ አማንሌያ ዲራው፡ ኑኒ ዴማና ጊዴ ናሼቻን ናጊ ኡቴዳዎ ሎይሊ ኑይቆይቴ።

24 ኢቱ ኢቱዋና ዋኒ ሲቁታኔንቶኔ ቃሲ ሎዎ ኦሱዋ ዎቲ አላኔንቶ፡ ኢቱ ኢቱዋና ዋኒ ሲቁዋሲ ቆፔቶ።

25 ኢቱ ኢቱ ሺቁዋ ዶያ ኡዲዴ ሺቁያዎዳን፡ ኑኒካ ኢቲፔ ሺቁያዎ አጎኮ፤ ሺን ጎዳ ጋላሳይ ማታቲያዎ ሂንቴንቴ ቤዒያ ዲራው፡ ኢቱ ኢቱዋ ሜንሌሌቶ።

26 ኑኒ ቱማቴላ ኤራ አኪዲጊዴ፡ ኤሪዴ ናጋራ ኦሊያዎ ጊዶፔ፡ ሃዋፔ ሲንላው ናጋራ ጳዪሲያ ያርሹ ኢቲባይኔ ባዋ።

27 ሺን ያሺያ ፐርዳ ናጊያዌኔ ያሳ ኢዲያ ኡባ ማናው ዎልቃማ ታማይ ዴዔ።

28 ሙሴ ሂጌው አዛዜቴና ኡራይ፡ ላዐ ኡራይ ዎይ ሄዙ ኡራይ አ ቦላ ማርካቶፔ፡ ቃሬቲ ባይናን ሃይቁ።

29 ያሳ ናዓ ካቆዳ ኡራይ፡ ባሬና ናጋራፔ ጌሼዳ ያሳ ጫቁዎ ሱላ ቱናባዳን ቆፔዳ ኡራይ፡ ቃሲ አቶ ከካቴላ ጌሻ አያና ቦሪያ ኡራይ፡ አይ ከና ኢታ ፐርዳ አካናው ቤሲንቶኔ አኔ ቆፐቴ።

30 አዪሲ ጎፔ፡ «ታኒ ሃሉዋ ከሳናኔ ኩሺያ ዛራና» ጌዳዎ ኑኒ ኤሬቶ፤ ቃሲካ፡ «ጎዳይ ባሬ አሳ ፐርዳና» ያጌዳ።

10:16 ኤርሞ 31:33 10:17 ኤርሞ 31:34 10:22 ዎግ 8:30፤ ሂዝ 36:25 10:27 አሳ 26:11 10:28 ዛር 17:6፤ 19:15 10:29 ኬሰ 24:8 10:30 ዛር 32:35፣ 36

- 31 ዳዑቀ ያሳ ኩሺያን ኩንዳናዊ ዳሮ ያሺያዎ።
- 32 ሂንቴንቴሲ ያሳ ፖዑ ፖዑዳዎ፤ ጉዩያን፣ ሂንቴንቴ ዳሮባን ዋዩቲዳ፣ ዋልቃማ ዋዴታን ገንጨዳ ቤኒ ዋዲያ ሃሳዩቲ።
- 33 ኢቲ ኢቲ ጌዴ ሂንቴንታ አሳ ሲንላን ቦሬዲናኔ ፓፃ ካዕዲና፤ ቃሲ ሃራ ዋዴ ሄዋዳን ኦሌዳዎንቴናኔ ኢቲ፤ ዳዕዲታ።
- 34 አዩሲ ሳፔ፣ ቃሹዋን ዳዒያ አሳቱዋሲ ሂንቴንቴ ቃሬቲዲታ፤ ያቲዳ ሂንቴንቴሲ ሜዲናው ወሬና ኡባፔ አዲያ ሻሉ ሳሉዋን ዳዒያዎ ሂንቴንቴ ሁጹው ኤሬዳ ዲራው፣ ሂንቴባ ኡባ አኪዲጎ፤ ሂደታን ገንጨዲታ።
- 35 ሄዋ ዲራው፣ ዋልቃማ ዋዴታና ዳዒያ ሂንቴንቴ ፃላቴላ አሎፕቴ።
- 36 ያሳይ ኮዩያዎ ኡዲዳ፣ ኢ ሂንቴንቴሲ ኢማና ጌዳዎ አካናው ገንጨና ኮሼ።
- 37 አዩሲ ሳፔ፣ ያሳ ማፃፋይ፣
- «አማራዳ ዋዲ አቲዳ፣
- ዩያዌ ያናዎ፤ ጋሚዕና፣
- 38 ታ ዲሉ አማኔቲዳ ዳዒናዎ።
- ሺን ኦኒኔ ጉዩ ሲሞፔ፣
- ታና ናሼቼና»
- ያጌ።
- 39 ኦኒ አማኔቲዳ አቲዳዎንቴ ባጋ ጊዲያዎ፤ አቲን፣ ጉዩ ሲሚዳ ዳዩዳዎንቴ ባጋ ጊደኮ።

11

አማኑቀ

- 1 አማኑቀ ጊያዌ፣ ዳማና ጊዳ ናሼቻን ናጊ ኡቲዳባይ አማንሲያዎኔ ቤናናው ዳንዳዬናባ ኤሪሲያዎ።
- 2 ያሳይ ቤኒ ጨማ አሳው ማርካታዌ፣ ኡንቴንቴ አማኔዳዎና።
- 3 ሳሉኔ ሳዒይኔ ያሳ ቃላን ሜዴቲዳዎ አማኑቀን ኦኒ ኤሬቶ፤ ሄዋ ዲራው፣ ቤቲያባይ ቤቴናባ፤ ሜዴቲዳ።
- 4 አቤል ቃዕላዎ፤ አዲያ ያርሹዋ ያሳው ያርሹዳዌ አማኑቀና። ያሳይ አ ኢሙዋባ ማርካቲዳ፣ ኢ ዲሉዋ ጊዳዳዎካ ማርካቲዳ፤ አቤል ሃራይ አቶ ሃዩቄዳሺንካ፣ ባሬ አማኑቀን ሃዒ ጋካናው ሃሳዩ።

10:37 አምብ 2:3-4 11:3 ደም 1:1፤ ማዝ 33:6፣ 9፤ የህ 1:3 11:4 ደም 4:3-10

5 ሄኖኪ ሃይቄናን ሳሉዋ ቤዳዌ አማኑዋና፤ ያሳይ አፌዳ ዲራው፡ ኦኒኔ ኦ ቤዓናው ዳንዳዪቤና። ያሳ ማፃፋይ፡ «ሄኖኪ ሳሉዋ ባናፕ ካሴ ያሳ ናሼቹዳ» ያጌ።

6 አማኑ ባይናን ኦኒኔ ያሳ ናሼቻናው ዳንዳዪቤና፤ አዪሲ ጎፔ፡ ያሳኮ ዪያ ኦኒኔ ያሳይ ዳዒያዋኔ ባሬና ኮዪያዋንቶ ዋይታ ኢሚያዋ አማናናው ኮሼ።

7 ኖሄ ቤዓናው ዳንዳዪቤና ሲንጻፕ ሃናናባው ያሳይ፡ «ኔና ናጋ» ጊና፡ ያሳው ያዪዳ፡ ባሬናኔ ባሬ ሲይ አሳ አሻናው ማርካቢያ ሜዴዳዊ አማኑዋና፤ ያቲዳ ሄዋን ሃ ሳዓ ቦላ ፒርዲዳ፡ አማኑዋን ቤቲያ ዲሎቴጻካ ያሳፕ አኩዳ።

8 አብራሃም ላታናዳን፡ ያሳይ ባሬው ኢማና ጌዳ ጋዲያ ባና ማላ፡ ያሳይ ባሬና ያሴዳ ዋዳ፡ አዛዜቴዳዊ አማኑዋና፤ ኢ ባሬ ጋዲያፕ ኬሲዳ ቢያ ዋዳ፡ ሃቃ ቢንቶኔ ኤሬናን ኬሴዳ።

9 አብራሃም ያሳይ ባሬው ኢማና ጌዳ ጋዲያን ሃራ ቢታ አሳዳን ዳዒዳዊ አማኑዋና፤ ያሳይ ሄ ኢማና ጌዳዋ ባሬናና ኢቲፔ ላታና ዪሳቃናኔ ያዪቆባና ዲንካኒያን ዳዒዳ።

10 አዪሲ ጎፔ፡ አብራሃም ያሳይ ሎዖ ባሱዋን ቆፒዳ ኬፀዳ ካታማ ናጌ።

11 ሳራ ባሬ ሁጳው ሃራይ አቶ ኤጫዳካ፡ ኢማና ጌዳ ያሳይ አማኔቴዳዋ ጊዳዳዋ ኤሬዳ ዲራው፡ ናዓ ሻሃራናው ዋልቃ ዳሜዳዊ አማኑዋና።

12 ሄዋ ዲራው፡ ሃይቄዳ አሳ ማላቲያ ኢቲ ቢታኒያፕ ሳሉዋን ዳዒያ ያለንቲያ ኬና፡ አባ ጋፃን ዳዒያ ፓይዱ ባይና ሻፊያ ኬና ዛሬቹ ዬሌቴዲኖ።

13 ሄ አሳቱ ኡባቱ አማኑዋን ሃይቄዲኖ፤ ባሬንቶ ያሳይ ኢማና ጌዳዋካ አኪቤይኪኖ፤ ሺን ሃኩዋን ሄዋ ቤዒዳ፡ ሳርቴዲኖ። ቃሲ ኡንቱንቱ ሳዓን ኢማጻኔ ዬዳሪሴቲዳ ኬሴዳ አሳቱዋ ጊዳዳዋ ኤሬዲኖ።

14 አዪሲ ጎፔ፡ ሄዋዳን ጊያ አሳቱ ባሬንቱ ሁጳ ጋዲያ ኮዪያዋ ኤሪሲኖ።

15 ኡንቱንቱ ሄ ዬጊዳ ኬሴዳ ጋዲያ ሲማናው ቆፕዳዋ ጊዲንቶ፡ ጉዬ ሲሚያ ካጫ ዳሜናን አኒኪኖ፤ ሺን

11:5 ደም 5:21-24 11:7 ደም 6:13-22 11:8 ደም 12:1-5 11:9 ደም 35:27 11:11 ደም 18:11-14፤ 21:2 11:12 ደም 18:11-14፤ 21:2 11:13 ደም 23:4፤ 1ኦድ 29:15፤ ማዘ 39:12

16 ኡንቱንቱ ሄዋ አጊዳ፡ ሎዒያ ጋዲያ ላሞተኛ፤ ሄዌ ሳሉዋ ጋዲያ። ሄዋ ዲራው፡ ያሳይ ኡንቱንቱ ያሳ ጌቲታናው ዬላቴና። አደሲ ጎቴ፡ ኢ ኡንቱንቶ ካታማ ጊጊሲ ዋሌዳ።

17-18 አብራሃሞ ዪሳቃ ያርሻኔንቶ ዎይ ያርሼኔንቶ፡ ያሳይ ኤራናው ያሞሴዳ ዎይ፡ አብራሃሞ አማኑዋን አ ያርሼዳ። ያሳይ አብራሃማ፡ «ኔ ዛሪ ዪሳቃ ባጋና ዪሴታናዋ» ጌዳሺንካ፡ አብራሃሞ ባሬ ናዓ ዪሳቃ ያርሻናው ጊጌዳ።

19 አብራሃሞ ያሳይ ዪሳቃ ሃራይ አቶ፡ ሃይቁዋፔካ ፓላናው ዳንዳዪያዋ ኤሬዳ፤ ሄዋ ዲራው፡ ሃይቁዋፔ ጉዬ አ ዛሪዳ አኬዳ።

20 ዪሳቁ ሲንላፔ ሃናናባው ያዩቆባኔ ኤሳ አንጄዳዊ አማኑዋና።

21 ያዩቆቢ ሃይቃና ሃኒዳ፡ ዮሴፎ ናና ሁጲያን ሁጲያን አንጄዳዊኔ ጋቲማን ጉፊቲዳ፡ ያሳው ጎዩኔዳዊ አማኑዋና።

22 ዮሴፎ ሃይቃናው ማቲዳ፡ ኢሰራዔሊያ አሳይ ጊብዳፔ ኬሳናዋ ሃሳዬዳዊኔ ባሬ ሜቄላ ኦላናባ ኡንቱንታ አዛዜዳዊ አማኑዋና።

23 ሙሴ ዬሌቴዳዋፔ ጉዪያን፡ አዉኔ አታ ማላ ሎዎ ናዓ ጊዳዳዋ ቤዒዳ፡ ሄዙ አጌና ቆሴዳዊ አማኑዋና፤ ኡንቱንቱ ካቲያ አዋጅካ ያዩቤይኪና።

24 ሙሴ ዲጩዳዋፔ ጉዪያን፡ ጊብዳ ካቲያ ናቲ ናዓ ጌቲታናዋ ኢዳዳዊ አማኑዋና።

25 ናጋራን ሙሴ ጉላ ዎዲያ ናሼታናዋፔ፡ ያሳ አሳና ዋዬታናዋ ዶሬዳ።

26 ዎዴፔ ዳማና ዎይታ ኢ ቲሺ ኡዲዳ ዪሎ ዲራው፡ ጊብዳ ጋዲያ ሻሉዋ ኡባፔ ኪሪሰቶሳ ዲራው ቦሬቲያዊ ዳሮ አዲያ ዲሬቴላ ጊዳዳዋ ቆፔዳ።

27 ካቲያ ሃንቆ ሙሴ ያዬናን፡ ጊብዳ ጋዲያፔ ኬሴዳዊ አማኑዋና፤ አደሲ ጎቴ፡ ቤቴና ያሳ ቤዔዳዋዳን፡ ጌንጩዳ ሲንላው ቤዳ።

28 ሃይቁዋ ኪታንቻይ ኢሰራዔሊያ አሳው ባይራ ናና ቦቹናዳን፡ ሙሴ ፓሲጋ ቦንቹዳዊኔ ጉባኒያን ሱላ ጫጫፊሴዳዊ አማኑዋና።

11:17-18 ዶሞ 22:1-14 11:20 ዶሞ 27:27-29፣ 39-40 11:21 ዶሞ 47:31 11:22 ዶሞ 50:24-25፤ ኬስ 13:19 11:23 ኬስ 2:2፤ 1:22
11:24 ኬስ 2:10-12 11:28 ኬስ 12:21-30

29 ኢስራዔሊያ አሳይ ሜላ ቢታን ሃሜቲያዎዳን፤ ዘዎ አባ ፒኔዳዌ አማኑዋና፤ ሺን ጊብዳ አሳቱ ፓጩው ጌሊሺን፤ ሃላይ ኡንቱንታ ሚቲ አጌዳ።

30 ኢስራዔሊያ አሳይ ኢያርኮ ጊያ ካታማ ሹቻ ዲርሳ ላፑ ጋላሳ ዩዩ ዩዩ አጾዋፔ ጉዩያን፤ ሄ ሹቻ ዲርሳይ ኩንዴዳዌ አማኑዋና።

31 ጫራታ ራዓባ ዩዉዋ ቆሪያዋንታ ሎይላ ሞኬዳ ዲራው፤ ያሳው አዛዜቴናን ኢጄዳ አሳና ሃይቄናን አቲዳዌ አማኑዋና።

32 ሰሚ ሃራባ ጉጃዴ አያ ኦዶ? ጌዶናባ፤ ባራቃባ፤ ሳሚሶናባ፤ ዮፍታሄባ፤ ዳዊቲባኔ ሳሜላባ፤ ቃሲ ናባቱዋባ ኦዳናው ታው ዎዲ ጊዴና።

33 ኡንቱንቱ ካቲያ ኡባና ኦሌቲዴ ያኔዳዌኔ ዓሎባ ኦሌዳዌ አማኑዋና፤ ያቲዴ ያሳይ ኢማና ጌዳዋ አኩዲኖ፤ ጋሞቱዋ ዶናካ ጎርዴዲኖ።

34 ዎልቃማ ታማ ቶዩሴዲኖ፤ ኩሳ ማሻፔ አቲዲኖ፤ ኡንቱንቱ ዳቡራንቻ፤ ሺን ሚኔዲኖ፤ ቃሲ ኦላን ሚኒዴ፤ ሃራ ጋዲያ ኦላ አሳ ዩዴርሴዲኖ።

35 ማጫዋንቱ ባሬንቱ ሃይቄዳዋንታ ሃይቄዋፔ ዴንዲና አኩዲኖ።

ቃሲ ሃራንቱ ቃሹዋፔ ቢሌታናዋ ኢጂዴ፤ ኩኪያ ዴዎ ሃይቄዋፔ ዴንዳናው፤ ኡጋቲዴ ሃይቄዲኖ።

36 ሃራቱዋ ቦላ አሳይ ቂሊጪ ካዔዳ፤ ሊሱዋን ሾጩቴዲኖኔ ሳንላላታን ቃሹቲዴ፤ ቃሹ ጎሊያ ጌሌዲኖ።

37 ሹቻን ጫዴቴዲኖ፤ ማጋዚያን ላዑ ኩሲዴ ጳልቄቴዲኖ፤ ፓጩቴዲኖ፤ ማሻን ሃይቄዲኖ፤ ኡንቱንቶ ኡባባይካ ጳዩና፤ ዋዩቲዴ ቱጋቲዴ፤ ዶርሳ ጫላኔ ዴሻ ጫላ ማዩዴ ዩዩዲኖ።

38 ኡንቱንቱሲ ሃ አላሚ ጊጌናን ኢጂና፤ ዎራን፤ ዴሪያን፤ ጎንጎሉዋ ጊዶኒኔ ኦላ ጊዲዋን ዩዩዲኖ።

39 ያሳይ ኡንቱንቱ አማኑዋ ማርካቶፔካ፤ ሄዋንቱ ኡባቱ ኢ፤ ኢማና ጌዳዋ አኩሴይኪኖ።

11:30 ኢያ 2:1-21፤ 6:22-25 11:32 ዳት 6:11-8:32፤ 4:6-5:31፤
13:2-16:31፤ 11:1-12:7፤ 14ኛ 16:1-1ካ 2:11፤ 14ኛ 1:1-25:1 11:33
ዳን 6:1-27 11:34 ዳን 3:1-30 11:35 1ካት 17:17-24፤ 2ካት 4:25-37
11:36 1ካት 22:26-27፤ 2ኦድ 18:25-26፤ ኤርዎ 20:2፤ 37:15፤ 38:6
11:37 2ኦድ 24:21

40 ያሳይ ኩሲ ኢቲ ሎዖ ቆፋ ቆፒ ዋሌዳ ዲራው፣ ኢንቴንቴ ኑኒ ባይናን ባላይ ባይናዋንታ ገዲኪኖ።

12

ያሳይ ኩሲ አወዋ

1 ሲሚ ኩሲ ሃዋ ኬና ዳሮ አሳይ፣ ሻሪያዳን ኑ ማታን ዩዩ አዲዴ ማርካቲያዌ ዴዲሺን፣ ኑና ቶቢያ ኡባባኔ ባቂ አይቂያ ናጋራ ዲጊዴ ኑ ሲንሳን ዴዲያ ኑኒ ዋፃና ዋላ ገንጨዴ ዋያይቲ።

2 ኑኒ ኑ አማኖ ኦጊያ ዶዬዳዋኔ ፖሊሲያዋ ጊዴዳ ዬሱሳ ያሎይቲ። ዬሱሲ ዬላ ካዲዴ፣ ሲንሳፔ አው ዴዲያ ናሼቻ ዲራው፣ ማሰቃሊያ ቦላ ሚሲማሪያን ቲሼቲዴ ሃይቃናዋ ገንጨዴ፣ ያሳ ካወቲላ አይዲያፔ ኡሼቻ ባጋና ኡቴዳ።

3 ሂንቴንቴ ሂንቴንቴ ዋዛና ባዩዚዴ ዳቡሬና ማላ፣ ናጋራንቻቲ ባሬና ዳሮ ኢደናካ ገንጨዳ ዬሱሳ ቆፒቲ።

4 ናጋራና ሂንቴንቴ ባጭቲዴ፣ ሱላ ጉሳና ጋካናው ቢሮ ኦሌቲ ዲጊቤይኪታ።

5 ያሳይ ባሬ ናናዳን፣ ሂንቴንታ ዞሪያዋ ዶጌዲቲ? ያሳይ ሂንቴንታ፣

«ታ ናዓው፣ ያሳይ ኔና ሙሪያ ዋዴ፣ ላፋባዳን ቆፖፓ።

ኢ ኔና ሴሪያ ዋዴካ ያኖፓ።

6 አዩሲ ጎፔ፣ ኢ ባሬ ሲቂያ ኡራ ሙሬ፤

ቃሲ ባሬ ናዓዳን አኪያ ኡባካ ሊሱዋን ሾጩ»

ያጌዳ።

7 ያሳይ ሂንቴንታ ሙሪያ ዋዴ ገንጨቲ። አዩሲ ጎፔ፣ ኢ ሂንቴንታ ናናዳን ኦሌ። አዉ ሴሪና ናዓይ ዴዲ?

8 ናና ኡባ ሴሪያዋዳን፣ ሂንቴንታ ሙሪናን አጎፔ፣ ካሬን ዬሌቲዳዋንታ ገዲታፔ አቲን፣ ቱሙ ናና ገዲኪታ።

9 ሃዋ ቦላን ቃሲ፣ ኑና ዬሌዳ ኑ አዋቲ ኑና ሙሪዳ ዋዴ፣ ኑኒ ኡንቴንታ ቦንቼዴ። ያቲና፣ ኑኒ ዋኒዴ አያና አቦ ሎይሊ ዳሪሲ ዋዴቲዴ ዴዎኮ?

10 አዩሲ ጎፔ፣ ኑና ዬሌዳ ኑ አዋቲ ባሬንታ ሎዎዋዳን፣ አማራዳ ዋዲያ ኑና ሙሪዲኖ፤ ሺን ያሳይ ኑኒ አ ጌሻቲላ አካና ማላ፣ ኑና ማዳናው ሙሪ።

11 ኑኒ ሙሪቲያ ዋዴ፣ ሃዒው ዩሎዬ፤ ናሼቼና። ሺን ሙሪዳዋንቶ ጉዬፔ ሄ ሙራይ ያሎቲላ ዴዑዋ ሳሮቲላ ዋይታ ኢማና።

ዞሪያኔ ሴራ

12 ህዋ ዲራው፡ ሂንቴንቱ ኣርጋጨዳ ኩሺያኔ ሂንቴንቱ ደቡራዳ ጉልባታ ማንጸላቲ።

13 ዋቢያ ጌዲ ፓፃናፔ ኣቲን፡ ቡርቄና ማላ፡ ሱሬ ኦጊያን ሃሜቲ።

14 ኣሳ ኡባና ሳሮ ዳዓናው ማንቴ፤ ቃሲ ጌሻ ዳዑዋ ዳዒቲ። ኣዱሲ ጎፔ፡ ጌሻቴላይ ባይናን ኦኒኔ ጎዳ ቤዓናው ዳንዳዬና።

15 ያሳ ኣቆ ከካቴላ ኦኒኔ ኣከናን ኣቲና ማላ ናጌቲ፤ ቃሲ ደላዳ፡ ባሬ ማርዚያን ኣሳ ዋዪሲያ ጫሞ ሚላዳን ሃኒዳ፡ ኦኒኔ ዳሮ ኣሳ ቱኒሴና ማላ ናጌቲ።

16 ዋሹማናው ካጄሊያ ኣሳይ ኦኒኔ ዳዒና ማላ፡ ዋይ ቃሲ ኢቲ ጌዴ ሚያባው ባሬ ባይራቴላ ዛሊዒዳ፡ ኣያናባ ካዉሺሲያ ኤሳ ማላ ኣሳይካ ዳዒና ማላ ናጌቲ።

17 ህዋፔ ጉዩያን፡ ኤሳይ ባሬ ኣቡ ኣንጂዋ ኣካናው ኮዬዳዋ ኤሪታ፤ ሺን ኣ ኣቡ ኣ ኣንጄናን ኢዳዳ፤ ኣዱሲ ጎፔ፡ ናጋራፔ ሲሚያ ኦጊያ ኢ ሃራይ ኣቶ፡ ኣሮዒ ኮዩዳካ ዳማናው ዳንዳዬቤና።

18 ሂንቴንቱ ቦቻናው ዳንዳዩያ ዳሪያኮኔ ኤዲያ ታማኮ፡ ቋማኮ፡ ሻሪያኮኔ ጎቱዋኮ፡

19 ቃሲ ማላካታ ዋሱዋኮኔ ቃላ ኮሻኮ ዩቤይኪታ። ኣሳይ ሄ ኮሻ ሲሴዳ ዋዳ፡ ሃራ ጉጂ ሲሴና ማላ ዋሴዳ።

20 ኣዱሲ ጎፔ፡ ያሳይ ኡንቱንታ፡ «ሃራይ ኣቶ፡ ደዓይካ ሄ ዳሪያ ቦቻፔ፡ ሹቻን ጫዳቲዳ ሃይቆ» ያጌዳ ኣዛዙዋ ኡንቱንቱ ጌንጫናው ዳንዳዬቤዩኪኖ።

21 ኣይፊያን ቤቲያዌ ዳሮ ዳጋንሊያዋ ጊዲያ ዲራው ሙሴ፡ «ታኒ ያሻን ኮኮራይ» ያጌዳ።

22 ሺን ሂንቴንቱ ጂዮኔ ዳሪያ፡ ዳዖ ያሳይ ዳዒያ ካታማ፡ ኢቲፔ ሺቂዳ ናሹቲያ ዳሮ ሻዓ ኪታንቻቱዋኮ ሳሉዋ ዬሩሳላሜ ዬዲታ።

23 ያሳ ባይራ ናናቱዋኮ፡ ኢቲፔ ሺቂዳዋንቱኮ፡ ኡንቱንቱ ሱንላይ ሳሉዋን ያፊቴዳዋንቱኮ ዬዲታ፤ ቃሲ ኣሳ ኡባ ፐርዲያ ያሳኮኔ፡ ባላይ ባይናዋንታ ኦሌዳ ጂሎ ኣሳቱዋ ኣያናቱዋኮ ዬዲታ።

24 ኦራላ ጫቆ ጋናቲያ ዬሱሳኔ ኣቤላ ሱላፔ ኣዲያዋ ኦዲያ ጉኩዳ ሱላኮ ዬዲታ።

12:12 ኢሳ 35:3 12:13 ሉም 4:26 12:15 ዛር 29:18 12:16 ዶም 25:29-34 12:17 ዶም 27:30-40 12:18 ኬስ 19:16-22፤ 20:18-21፤ ዛር 4:11-12፤ 5:22-27 12:20 ኬስ 19:12-13 12:21 ዛር 9:19 12:24 ዶም 4:10

25 ሂንቴንቴሲ ኦዲያ ኡራ ዩወዋ ሲሲያዋ ሂንቴንቴ ኢጻና ማለ፡ ሂንቴንጋ ናጊቴ። ያሳ ኪታ ሳዓን ባሬንቶ ኦዲያዊ ኦዲያዋ ሲሲናን ኢጻዳዋንቴ አታና ቆዮ፤ ሳሉዋን፡ «ሂንቴና ናጊቴ» ጊያ ያሳ፤ ኮኒ ዋኒዴ አታኔ?

26 ሄ ዋዴ አ ኮሻይ ሳዓ ቃሌዳ፤ ሺን ኢ ሃዒ፡ «ታኒ ሳዓ ፃላላ ጊዴናን፡ ኢቲ ጌዴ ጉጃዴ ሳሉዋካ ቃላና» ያጌዳ።

27 «ኢቲ ጌዴ ጉጃዴ» ጊያ ቃላይ ቃጻናባይ ሚኒዴ ዴዓና ማለ፡ ሜጴቴዳባይ ቃፃናዋኔ ኪቻናዋ ጌሺዴ ቤሴ።

28 ኮኒ ቃፃናው ዳንዳዬና ካዉቴላ አኪያ ዲራው፡ አኔ ያሳ ጋላቶይቴኔ አ ናሽቾይቴ፤ አው ቤሲያዋዳን ቦንቹዋኒኔ ያሻቴላን አው ጎዩናይቴ።

29 አዩሲ ጎ፤ ኑ ያሳይ ቱሙ ባዩዚያ ታማ።

13

ያሳ ኮኒ ዋቲ ናሽቻናው ቤሲንቶ

1 ሂንቴንቴ ኢሻቱዋ ሲቋያዋ አጎፊቴ።

2 አማላ ሞኪያዋካ ዶጎፊቴ። አዩሲ ጎ፤ ያቲያዋን ኢቲ ኢቲ አሳይ ኤሬናን ኪታንቻቱዋ ሞኬዳ።

3 ቃሾ ጎሌን ዴዲያዋንቴባ ሂንቴንቴካ ኡንቴንቴና ኢቲ፤ ቃሾ ጎሌን ዴዲያዋዳን ቆፊቴ፤ ቃሲ ሂንቴንቴ ሂንቴንቴ ሁጴው ዋዬቲያዋዳን፡ ዋዬቲያዋንቴባ ቆፊቴ።

4 አኪያዋኔ ጌሊያዋ አሳይ ኡባይ ቦንቻናው ቤሴ፤ ቃሲ አሲናይኔ ማቻታ ኢቱ ኢቱዋሲ አማኔታናው ቤሴ፤ አዩሲ ጎ፤ ያሳይ ዋሹማናው ካጃሊያዋንታኔ ዋሹሚያዋንታ ፐርዳና።

5 ሚሻ ሲቁዋ፤ ሂንቴንጋ ናጊቴ፤ ሂንቴንቴሲ ዴዲያዋ ሂንቴንቴሲ ጊዴ። አዩሲ ጎ፤ ያሳይ ባሬ ሁጴው፡

«ታኒ ኔና ኡባካ ዩጊኬ

ዋይ አጊኬ»

ያጌዳ።

6 ሄዋ ዲራው፡ ኮኒ ፃሊዴ፡

«ጎዳይ ታና ማዲያዋ፤

ታኒ ያዩኬ።

አሳይ ታና አይ ኦሊ?»

ያጌቶ።

12:25 ከሰ 20:22 12:26 ሃግ 2:6 12:29 ዛር 4:24 13:2 ዶዋ
18:1-8፤ 19:1-3 13:5 ዛር 31:6፣ 8፤ ኢያ 1:5 13:6 ማዝ 118:6

7 ያሳ ቃላ ሂንቴንቴሲ ኦዴዳ ሂንቴንጋ ካሌጴዳዋንጋ ሃሳዪቴ፤ ኡንቴንጉ ዋኒ ዴዔዲኖንቶኔ ሃሳዪቴ፤ ቃሲ ኡንቴንጉዋዳን አማኒቴ።

8 ዬሱሲ ኪሪሰቶሲ ዚኖካ ሃቼካ ሜጲናወካ ለማቴና።

9 ዲማ ዲማ ኦራላ ቲሚርቲያን ዋራ ቦፒቴ። ኑ ዋዛናይ ያሳ አጶ ኬካቴላን ሚኖፕ ሎዖ ጊዲያዋፕ ኣቲን፣ ቁማ ዎጋቶ አዛዘቲያዎ ጊዴና፤ ሄዎ አዛዘቴዳዋንጉካ ማዴቲቤይኪና።

10 ኑሲ ያርሺያሳይ ዴዔ፤ ዲንካኒያ ጊዶን ኦሊያዋንጉ ሄ ያርሺያሳፕ ማናው ኡንቴንቶ ማታይ ባዋ።

11 ቁሳቱዋ ኡባቱዋ ካፑ ናጋራ ዲራው፣ ሜሂያ ሱላ ያርሻናው ኡባፕ አጲያ ጌሻ ሳዓ አፌ፤ ሺን ሄ ሜሂያ አሹዋ ቃሲ ዲርሳፕ ካሪና ጉዴ።

12 ሄዎ ዲራው፣ ዬሱሲካ ቃሲ ናጋራፕ አሳ ባሬ ሱላን ጌሻናው፣ ካታማ ፔንጊያፕ ካሪና ዋዬቴዳ።

13 ሲሚ ኑኒ ኢ ቦሬቴዳ ቦሪያ አኪዴ፣ ዲርሳፕ ካሬ አኮ ኬሶይቴ።

14 አዪሲ ጎፕ፣ ኑሲ ሃዋን ሜጲናው ዴዔያ ካታማይ ባዋ፤ ሺን ኑኒ ያና ካታማ ናጌቶ።

15 ሲሚ ያሳው ዬሱሳ ባጋና ኡባ ዎዴ ጋላታ ያርሹዋ አዎይቴ፤ ሄዎ ጊያዌ ሜቴርሻይ አ ሱንላው አሚያ ጋላታ ጊያዋ።

16 ሎዖባ ኦሊያዋኔ አቱ ኢቱዋ ማዲያዎ ዶጎፒቴ። አዪሲ ጎፕ፣ ያሳ ናሹቺያዌ ሄዎ ማላ ያርሹዋ።

17 ሂንቴና ካሌሊያዋንቶ አዛዘቴቴ፤ ቃሲ ኡንቴንጉ አዛዚያዋካ ኦሊቴ። ኡንቴንጉ ባሬንጉ ኦሊዳዎ ያሳው ኦዳና ዲራው፣ ሂንቴንጉ ሺዎፑዋ ሎይሊ ናጊና፤ ሂንቴንጉ ኡንቴንቶ አዛዘቶፕ፣ ባሬንጉ ኦሱዋ ናሹቲዴ ኦላና፤ ሄዌ ጳዮፕ፣ ኡንቴንጉ ዪሎቲዴ ኦላና፤ ሄዌ ሂንቴንጋ አይኔ ማዴና።

18 ኑሲ ያሳ ዎሲቴ። ኑኒ ኡባ ዎዴ ሎዖባ ኦላናው ኮዪያ ዲራው፣ ኑና ዘሪያ ሎዖ ዋዛናይ ኑሲ ዴዔ።

19 ያሳይ ታና ሂንቴንጉኮ ኤሌካ ዛራና ማላ፣ ያሳ ሂንቴንጉ ሎይሊ ዎሳናዳን፣ ታኒ ሂንቴንጋ ሎይላ ዎሳይ።

ዎሳ

20 ሳርቴላ ያሳይ፣ ኑ ጎዳ ዬሱሳ፣ ዶርሳቱዋ ሄንላንቻ ዎልቃማ፣ ሜጲና ጫቁዋ ሱላን ሃይቁዋፕ ዴንጴዳ።

21 ያሳይ ዬሱሲ ኪሪሰቶሳ ባጋና ባሬ ሲንላን ባሬና ናሹቺያዎ ሂንቴንጋ ኦሲሲዴ፣ ሂንቴንጉካ ኢ ኮዬዳዎ ኦላና ማላ፣ ሎዖ

ኦሱዋ ኡባን ሂንቴንታ ኢ ጊጊሶ፤ የሳይ ሜጂ ሜጂናው ቦንቼቶ። አሜንዒ።

ቁቴሳ ቃላ

22 ታናዳን አማኒያዋንቶ፣ ታኒ ሃ ዳቢዳቢያ ሂንቴንቲሲ ቃንላን ፃፌዳ ዲራው፣ ሂንቴንቱ ሃ ዞሪያ ሳሌቴናን ሲሳና ማላ፣ ታኒ ሂንቴንታ ዋሳይ።

23 ኑ አሻይ፣ ደሞቶሲ ቃሹዋፔ ቢሌቴዳዋ ኤሪቴ። ኤሌሊ ኢ ሃ ዮፔ፣ ታኒ አናና ባዴ ሂንቴንታ ቤዓና።

24 ሂንቴና ካሌሊያ ኡባቱዋኔ የሳ አሳቱዋ ኡባ ሳሮ ሳሮ ጊቴ። ፃሊያፔ ዬዳ አማኒያዋንቱ ሂንቴንታ ሳሮ ሳሮ ጊኖ።

25 አጶ ከካቴላይ ሂንቴናና ኡባና ኢቲፔ ጊዶ። አሜንዒ።

Ooratha Caaquwaa
New Testament in Dawro (ET:dwr:Dawro)

copyright © 2011 Wycliffe Bible Translators, Inc.

Language: Dawro

Translation by: Wycliffe Bible Translators, Inc.

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Dawro

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 1 Oct 2024 from source
files dated 29 Jan 2022
585b63ca-b8e6-55c8-bfef-10bdc95ad69c